


王黃州小畜集




王禹偁字元之鉅野人世為農家九歲能文舉士安見而美之稱為小友太平興國八年擢進士授成武主簿  
改大理評事長洲縣其自叙云禹偁名利之流也一身之計有親族妻子為雖內無妻外無僕不可去  
者凡百指晨有炊爨夕有脂烛伏臘慶弔居其外月得俸金大半長物是以從官三年待行而已一  
邑之政有稅備稅調為土甚瘠而民不懈吏好欺而賦愈重廉其身而濁者忘直其氣而曲者惡之懇無  
之音動有安畏去年多稼不登編之糧食賦歛之數有重其期而民部督成于郡侯歸罪于縣鞭笞  
之人日不下數百輩菜色在面而血流于甯瀆書為儒胡寧忍以因之吏部考課曆納首于巨商清采  
一萬七千布白絮而代輸之始丁免責春夏以來民有得其值者蓋三分有其二焉時同年生羅公約  
宰吳縣相與賦詠人多傳誦太宗召試擢右拾遺直史館賜緋故事給銀帶特命以文犀帶賜之歷遷  
翰林學士元之在朝堂上疏曰臣聞之蘇州長洲里七千餘家自冬氏納土以來朝廷命官三年無與尉使主簿  
兼使之未嘗闕事三年增置尉未嘗立一功以臣詳之天下大率如此誠能省尉三千名減俸數千萬以供  
備寬民賦亦大利也七之條揚之州咸不初預脩太祖實錄宰相意不協之六黃州以三點賦以史志卒章云  
在于身而不在于道雖百滴其何虧四年徙新州卒年四十八子嘉言字仲謨天禧初知舒城縣方服除會真宗  
現書龍圖閣得禹偁奏章嗟美其切直因訪其後宰相稱嘉言印台對擢大理評事長洲縣以禹偁舊治而  
嘉言年亦官又皆同士大夫賦詩榮之任大理寺丞

此係板本勿輕視之

九行十七字

尖圓頂格圓圈空一格

內翰王公以文章道義被遇太宗皇帝視草北門代言  
西掖眷接優隆聲望最重咸謂咫尺黃閣矣偶坐事左  
遷咸平初來守齊安在郡政化孚洽容與暇景作竹樓  
無愠齋睡足軒以玩意邦人沐浴恩惠為繪像立祠東  
坡居士嘗親拜其下歷歲滋久經涉兵盜無一存者風  
範歆絕音徽眇然良可太息平生撰著極富有手編文  
集三十卷名曰小畜集其文簡易醇質得古作之體往  
往好事得之者珍祕不傳以故人多未見虞卿假守於  
此追訪舊址躊躇增慨想見其人思欲以次興葺而鈍  
拙無能救過不贍輒且先其大者因以家笥所藏小畜





古調詩八絕八首  
續咏十五首

卷之六

古詩十四首

卷之七

律詩八十三首

卷之八

律詩六十二首

卷之九

律詩六十五首

卷之十

律詩六十九首

卷之十一

律詩六十五首

卷之十二

歌行十三首

卷之十三

歌行十二首

卷之十四

雜文十二首

卷之十五

論十首

卷之十六

碑記十首

卷之十七

碑記十首

卷之十八

書十四首

卷之十九

序十四首

卷之二十

序十五首

卷之二十一

表二十首

卷之二十二

表二十首

卷之二十三

表十六首

卷之二十四

表十七首

卷之二十五

牋啓十五首

卷之二十六

擬試內制五題

卷之二十七

擬試內制五題

卷之二十八

碑誌五首

卷之二十九

碑誌五首

卷之三十

誌碣四首





籍田上字五字与集

園陵犬

大閱

三黜

罔極


籍田賦上字四字与畜

後卷又云三子  
不等

王黃州小畜集卷之一

古賦

籍田賦并序



曹嘉祥藏



臣謹按周制孟春之月天子親載耒耜躬耕籍田所以  
事天地山川社稷先王醴酪粢盛於是乎取之恭之至  
也自周德下衰禮文殘缺故宣王之時有虢公之諫秦  
皇定霸鮮克田禮漢祖隆興日不暇給孝景始復行焉  
昭帝纂田亦其義也後漢永平中明帝東巡耕於懷縣  
非古制也魏氏親耕闕百官之禮蓋草創爾晉武太始  
之年畧修墜典宋文元嘉之代亦舉舊章齊用丁亥之

辰梁以建卯之月後魏北齊沿革有異隋朝唐室文物  
可觀太宗行之於前明皇繼之於後自茲以降廢而不  
行將煥先農必待真主皇家享國三十載陛下嗣統十  
四年武功以成文理以定乃下明詔耕於東郊百執悅  
隨三農知勸禮官博士蹈舞而草儀甸師嗇夫訶詠而  
供職右拾遺直史館王禹偁再拜而颺言曰耕藉之義  
大矣哉千畝之田三推之禮所以教諸侯而事上帝率  
人力而成歲功實邦國之彝章皇王之大典昔潘安仁  
賦之於晉岑文本頌之於唐今王道行矣王籍修矣神  
功帝業煥其有光宜暢頌聲以播樂府謹上籍田賦一

章雖不足形容盛德亦小臣勤拳之至也其詞曰

十四年<sup>年</sup>兮帝業遐宣寰區晏然乃順考於古道將躬耕  
乎籍田務本勸農稽前文而備矣事神教養舉墜典以  
行焉萬國歡心而懌：百官供職以虔：草儀注於有  
司議沿革於遺編築壇墠之三陞闡阡陌之百廛文物  
聲明合禮經而有度旌旗衣服應方色而不愆既而屆  
孟春擇元日太史先奏天子將出是月也道人徇路星  
鳥中律當東郊之迎春是東作之平秩皇帝於是即齋  
宮辭帝室戒錫鸞嚴警蹕乘青輅以有威儼朱紘而無  
逸佩乎玉也懸蒸之色蒼：載其旂焉千里之雲鬱：

屬車負播殖之器後宮獻種桂之實紅縻黛耜服葱搗  
以陸離縹軛紺轅駕蒼龍而飄歛太常之禮其舉司農  
之屬各率甸師掌舍警御陌以惟嚴封人野廬設遺宮  
而靡失於國之東千官景從風清塵而習：雨洒道以  
濛：時也木德盛陽氣克春芒甲拆青青兮葱葱春土  
脉起油油而溶溶冠蓋蔽野珮環咽風狀浮雲兮隨應  
龍旂幟張日車徒塞空若衆星兮環紫宮修農事以惕  
惕襲春服之重：爾乃配少皞祠先農尸祝無媿籩豆  
以供太牢之牲薦之而肥膾太簇之樂奏之而春容於  
是修帝藉勞神農聖躬撫御耦以無怠履游場而有蹤將

循乎千畝理之制豈止乎數畝之中耕鈎肩之弄田但矜  
兕戲脩建康之春藉未煥農功有以見萬乘之尊三推  
而舍或五或九降殺之義有倫爾公爾侯貴賤之班相  
亞嗇夫灑種以斯畢廢人終畝而告罷千耦其耕煥乎  
禮成播百穀兮率人力訶載芟兮揚頌聲將見乎餘糧  
棲畝腐粟如京神倉令納乎黍稷以備粢盛廩犧氏收  
藁結用餉犧牲親畎畝兮化被重民天而教行自德訓  
農之實非貪慕古之名然後下青壇歸絳闕百姓知  
勸羣后咸謁在鎬之宴啟訶虞之音發獻萬壽兮懽呼  
奏九韶兮鏗越開三面以行惠宥五刑而慎罰恩流於

孝悌力田德被於雕題辨髮興五土之利固必躬而必  
親同三代之風復不矜而不伐大矣哉藉田之禮豈三  
年而不為躬耕之義將百代而可知我所以舉以廢之  
禮定不刊之儀慮弗勤於四體將有害於三時務農桑  
兮為政本興禮節兮崇教資民乃力穡歲無阻饑神農  
斲木之功我其申矣后稷播時之利我得兼之供秬鬯  
以斯在介豐年而有期丕顯事天之禮誕訶祈社之詩  
祀山川兮神鑒明矣配祖考兮德馨遠而永錫純嘏用  
光孝思乃作頌曰

倬彼東郊公田是闢大君戾止言耕其藉帝藉既脩乃

及公侯親爾耒耜勤爾田疇言乎黍稷祀於園丘億萬  
斯年以承天休天曰倬彼東郊耕壇其崇大君戾止言  
訓其農農功既最乃知榮辱爾家以給爾人以足言奉  
蒸嘗遍於比屋億萬斯年以介景福

園陵犬賦

嘉彼御犬既良且馴蒙先朝之乃眷向皇宮而託身有  
警蹕以皆從無起居而不親繡組飾以焯焯金鈴奮而  
振振飼以公庖彭澤之魚分曾何足道畜之土性西旅  
之獒兮詎得同倫健逐天步慵眠地茵効珍比夫異獸  
供命等乎適臣若乃風暖掖庭花繁禁籞扇侯錦翼之

雉籠近雪衣之女入赭袍兮曳尾聞霓裳兮率舞循逸  
乎金塘徘徊乎瑤圃睥睨爐烟追隨蠟炬見觀書於乙  
夜聽求衣於未曙既無吠乎投籤每夙興於曉鼓莫不  
默識聖心潛知天語備指顧以弗迷奉周旋而見撫第  
辰遊而夕嬉又安在乎逐麋而捕鼠彼宋狔之與韓盧  
又安得同群而接武者哉嗟乎事變人天時移今古秦  
皇採藥島中之士未迴軒后鍊丹湖上之龍已去欠舐  
鼎以登仙對遺弓而戀主臥錦薦兮固安嚼鮮食兮彌  
苦豐顛載減負重每而不勝病骨其羸永弊求蓋於何所  
赫、顧命明、嗣皇念犬馬之微誠義存始卒徵父母

之所愛深增盡傷俾守園陵之地且殊盤瓢之鄉縻索  
緡以璀璨琢籠檻而熒煌仗陪鹵簿車逐輜輶瓦宮  
兮黯黯號白日兮茫茫松阡夜月栢城曉霜依六尺之  
輿已成疇昔盜一杯之土亦足隄防表終天之巨痛甘  
朽骨於龍岡狡兔盡而見烹理殊炎漢駿馬死而陪葬  
事類皇唐邈予生之介立荷太宗之維繫叨澤宮之一  
第玷承明而三入恥懷祿以不言維報君之是急胡薄  
命之多屯顧寸功而莫集嗟白首於郎署慟梓宮而鳴  
悒生未得圖形煙閣想英衛之難追死不當賜葬長陵  
豈蕭曹之能揖異臣哉之可歌信龍也之因及聊作賦

以自傷寄毫端而雪泣

### 大閱賦

大閱之義載於春秋彼乃一國之軍禮千乘之諸侯曾未若天子之大閱揚神武而闡皇猷天祚有宋授禪於周太祖以武功戡定太宗以文德懷柔億兆人兮頌聲作四十載兮王澤流二后上僊貽厥孫謀一人繼統承天之休大舜孝思四海遏密高宗諒闇三年宅憂俯順先王之喪紀重違百辟之勤求於是延英入閣端冕疑旒鈞臺錫宴拊石鳴球天地同和覩來庭之鳳舞君臣相遇歌在藻之魚游惟聖克念惟皇聿修方欲生擒頹

利血滅蚩尤輯大勲而光祖考練武經而平寇讎以為天生五材孰能去其兵革武有七德予將整乃戈矛時也鷹隼擊虹蜺收隕籜飛乎原隰嘉禾歛乎田疇因農隙而順時令數軍實而修戎政野廬設次甸師奔命御幄立而天開教場平而霜勁雷動風行千騎萬乘于以威八荒于以安百姓師出以律我所以表巖壯之稱器不示人我所以執征伐之柄乃幸近甸出重城天步順動帝車啓行申軍令以偃草揭靈旗於畫荆赳赳洸洸衛社之將帥皇皇濟濟：扈蹕之公卿從龍雲合捧日霞生鹵簿前驅案禮文而不忒招搖在上法天象而有程

肅、戈戟鏜、鼓鉦期門、伏飛雲、蒸而鱗萃、林官騎士  
岳立而山橫、旌旗衣服、文物聲明、列羽林之仗、空細柳  
之營、錫鸞和鈴、鏗天籟於曉吹、搶倍鋒、盾戢星芒於太  
清皇帝、乃降步輦、陞帳殿、明誓六師、誣脩一戰法、武侯  
之陣、示以縱橫、按風后之圖、親加訓練、出游兵以定兩  
端、握竒數而制四面、搖乾蕩坤、飛霆走電、八尾四頭、千  
化萬變、開閤舒卷、若常山之蛇、蟠沸渭、喧闐如滄海之  
鼇、拊則有超乘、賈勇戲車、為郎挾、輶射戟、挽強、壓張劍  
倚青漢、戈揮太陽、可以越巨壑、踏崑崗、氣壓乎北方之  
強、又若屈產新羈、渥洼逸駕、汗血蘭筋、騰霜照夜、師子

花獐胡孫、色赭可以走高山、突平野、勢吞乎南牧之馬  
莫不馮若虎、獠猛如熊、熊麋兵神速、曠騎馳前、御其  
前必恭、長而補短、陣間容陣、亦鴈行而魚麗、疾徐有節  
動靜有期、無窮如天地之運轉、不竭如江海之渺瀰、沒  
而復出、如兩曜盡而復生、如四時同子弟之親、父兄急  
難相救、若手足之捍頭目、斯須不離、屹屹然不敗之地  
堂堂乎成、無敵之師、以虞待不虞、則禍亂息矣、治多如  
治寡、則進退隨之、所謂有備無患、居安慮危、保寧宗社  
震讜蠻夷、暢皇威於禹畫、生允悅於堯眉、夫如是、岐陽  
大蒐、安能竊迹、驪山講武、不足稱竒、既而皇極白日斜

以此攻城何城不克以此軍  
戎何戎不北兵雖示乎服  
習戰必令其曲直周武桓

還北闕御東華晏喜斯備慶賞有加氣增倥障聲動幽  
遐通太漠極流沙佇見破天親可汗之名風行紫塞賜  
奉國契丹之印永屬皇家帝庸作歌曰順時獮狩安邊  
禦寇揚我武兮師人輯睦軍陣習熟威醜虜兮不教而  
戰祇取敗兮不戢自焚予深戒兮近臣再拜而賡歌曰  
秋大閱兮威窮邊兵力銳兮人心堅封狼居兮禪姑衍  
抵瀚海兮登燕然遁逃兮無地咸扶服兮朝天無外之  
化兮被率土升中之禮兮告上天然後飛英聲介景福  
億萬斯年

三黜賦

一生幾日八年三黜始貶商於親老且疾兒未免乳呱  
呱擁樹六百里之窮山唯毒虵與虺虎歷二稔而生還  
幸舉族而無苦再謫滁上吾親已喪几筵未收旅櫬未  
葬泣血就路痛彼蒼兮安仰移郡印於淮海信靡盬而  
鞅掌旋號赴於國哀亦事居而送往叨再入於掖垣何  
寵祿之便蕃今去齊安髮白目昏吾子有孫始笑未言  
去無騎乘留無田園羝羊觸藩老鶴乘軒不我知者猶  
謂乎郎官貴而郡守尊也於戲令尹無愠吾之所師下  
惠不耻吾其庶幾卞和之刖吾乃完之曹沫之敗吾非  
輿尸緘金人之口復白圭之詩細不宥兮過可補思而



行兮悔可追慕康侯之晝接兮苟無所施徒錫馬而胡  
為效仲尼之日省兮苟無所為雖嘆鳳而奚悲夫如是  
屈於身兮不屈其道任百謫而何虧吾當守正直兮佩  
仁義其終身以行之

罔極賦

後周廣順太歲甲寅季秋戊子實生吾身稟粹和於兩  
儀荷鞠育於二親粵自始孩逮乎成人求名得名干祿  
得祿痛吾母之早終受君羹而捨肉丁吾父之大憂徒  
倚廬以食粥被朝恩之抑奪履人事而棲遲五鼎或來  
羨仲由之斗米三牲縱具非茅容之隻雞豈無兄弟各

懷祿而棲棲亦有子孫方嬉戲乎孩提兀食兮紀綱之  
僕多病兮糟糠之妻望松楸而暮泣履霜露兮晨啼今  
日何日家人舉爵祝我壽考勸我歡樂感懸弧於茲晨  
念陟岵而淚落換斑衣兮純素變華顛於總角孰謂儒  
者不如農夫良田十畝柔桑百株無求于人身何憂其  
悔吝必出於力養不問乎鹿麕精父母俱存緼袍重襦子  
弟匪懈夕耕曉鋤雞豚掩豆黍稷盈壺草堂為壽其樂  
只且嗟乎吾不得而及也賦罔極而長吁

危言日出也後  
天道如張弓  
仲尼為素王  
君者以百姓為天  
復其見天地之心  
尺椽  
聖人無名  
案篇  
醴泉無源  
火星中而寒暑退

王黃州小畜集卷之二

律賦有序

禹偁志學之年秉筆為賦逮乎策名不下數百首鄙其  
小道未嘗輒由秋賦春闈粗有警策用能首冠多士聲  
聞於時然試罷即為同人掠奪其草於今莫有存者淳  
化中謫官上洛明年太宗試進士其題曰危言日出有  
傳至商山者駭其題之異且難也因賦一篇今求向所  
存者得數千紙焚棄之外以十章列為一卷仍以危言  
為首尊御題也

危言日出

賦盈則空仰隨變和羹

卮之為物也空則仰滿則傾伊斯言之無係假厥器而  
強名日出彌新尚安知其適莫天倪自得亦胡繫於虛  
盈豈不以卮無所識每逐物而歌側言無所執但因時  
而語默諒何思而何慮固靡失而靡得用能滿天下以  
無過體寰中而可則徒觀夫卮隳飢以弗定言夫離而  
不窮孰見兆朕難明始終冥其心若虛舟之泛水應乎  
物類天籟之鳴空是以至道無形至人絕想詎難追於  
駟馬實冥求於罔象以不器之器是資以不言之言為  
上存於身則大智之閑閑移於邦則王道之蕩：喻鳴  
鍾之大小物莫我欺取膠柱於樞機吾將安仰大哉卮

也者既異歌器且殊滿卮言也者亦匪確論又匪詭隨  
知萬物之種也奚千里而應之智過挈瓶擣杵之書徒  
爾信踰盈缶連山之象云為故曰不言則齊同形相禪  
巧如簧兮非偶卒若環兮無變得之者毀譽兩忘失之  
者是非交戰詳夫卮有空滿於義則那言無準的在理  
云何亦猶君不言而黥首化天不言而玉燭和是以大  
道五千取不知而立誠老子云言者不知寓言十九藉外論以  
同波今我后據北極之尊窮南華之首思欲體清淨而  
率兆庶故先命辭賦而試多士盛乎哉崇道之名不為  
虛美

天道如張弓賦

王者喻身則此宜施

上天如之何匪謙莫益張弓如之何匪高莫抑瞻倚杵  
之為狀考彎弧而取則所以老氏贖之以立玄言王  
者法之而建皇極豈不以天實虧盈乎唯審固既命中  
以有式若無親而設喻善惡之效自應弦而靡差禍福  
之祥同流矢之所注吾嘗觀善射之人如天道兮有倫  
下者舉其勢高者俯其身左馬右人落彀中而不失十  
發九中視掌上而彌親又嘗觀上玄之理與張弓兮非  
異損有餘以示誠補不足而平施小人用壯惟六極而  
是罹君子好謙迺百祥而咸萃又嘗觀上聖之姿法天

續

道兮緝熙令先禁於強暴心不忘於惇嫠百姓與能自  
財成之道四時咸序爰歸輔相之宜天之道也既如彼  
弓之義也又如此懿乎男子之事克叶聖人之旨自可  
移於邦求諸己蓋裒多益寡者焉惟舉下抑高而已夫  
如是則張其弓挾其矢體由基之所長天道遠人道邇  
非禪竈之能量是以君者撫其弱抑其強如猿臂之盡  
妙中鵠心而允臧向使天理或爽君道靡常自然及時  
而及得又烏可稱帝而稱王者哉故曰孰能以有餘奉  
天下唯有道者

仲尼為素王賦

儒素之道尊比王者

鳳鳥不至兮河不出圖聖人無位兮立教崇儒道之將  
 行但棲遲而歷聘民受其賜猶南面以稱孤有以見同  
 乎王者孰云乎蓋出司徒者也原其運屬陵遲力興儒  
 素道將侔於皇極化實被於黔庶文行忠信設萬世之  
 紀綱禮樂詩書崇百王之法度於時也魯道有蕩周德  
 下衰言念萬國將同四夷不有聖也誰其救之我所以  
 行教化序尊卑造次顛沛兮於是東西南北以忘疲用  
 能定君臣父子之道述皇王帝霸之基夫如是則土無  
 二以分並矣夫位通道三兮偉而異夫振乃素風齊諸大寶贊  
 易象矣分奉天時修春秋兮行天討講於洙水初彰化下

之功登彼泰山宛契爰升高之道自然其教斯廣其號彌  
 尊豈止同明於日月亦將比德于乾坤居無求安四載  
 之勤勞是效弋不射宿三驅之田獵斯存蓋由宅一畝  
 以卑宮佩五常而克己其位也困於陪臣其道也齊乎  
 天子列四科而并十哲八凱何殊誅正卯而斬俳優四  
 凶竊比聖德洋洋同諸帝王行束脩而陳玉帛端縫掖  
 而垂衣裳夢見周公求傳巖而允理問於老子師尚父  
 而彌光大哉道濟古今教流華夏瞻不泯之廟貌若無  
 疆之宗社悲夫商辛夏癸兮號獨夫又安得比於儒者  
 君者以百姓為天賦君有庶民如得天也

勿謂乎天之在上能覆於人勿謂乎人之在下不覆於  
君政或施焉乃咈違於民意民斯叛矣同謫見於天大  
在乎觀百姓之勞逸豈止仰一氣之網緼而已哉徒觀  
乎浩浩玄穹蚩蚩黔首覆盂之狀何在倚杵之形莫有  
苟知乎御之以道亦類乎戴之而走悠也久也固無杞  
國之憂養之育之宛是媧皇之手取彼穹昊昊方茲兆民  
匪在蒼蒼之色勿輕蠢蠢之人雖令不從反時之災是  
比撫我則后無親之義斯陳可仰兮匪獨高明可畏兮  
亦唯黎庶每慮其一夫不獲竊比於御御驗惡紂以歸周  
以厭秦而授楚是知察彼哀樂同茲舒舒慘恒恒人心之悅

矣任天道之何如教以文章似列星辰之際示之淳朴  
疑歸混沌之初想夫君既柔懷民同剛克姑寅畏以則  
可苟暴殘而安得輿人誦頌乃大舜之升聞自我聰明  
信惟堯之是則大笑哉善化民者以天為則善知天者  
以民為先若天人之理洞達則帝王之道敷宣寧資禪  
竈之言斯為妄矣自取夷吾之說不亦明焉今我后子  
育兆民砥平九野上惟奉於穹昊昊下每矜於鰥寡自然  
以百姓為天萬方歸也

復其見天地之心賦

天地幽曠觀象斯見

動者天地之用其震也勃為靜者天地之本其復也寂

然故二儀之心乃見七日之義期玄自可要終而原始  
何必俯地而仰天豈不以復卦之義雷入於地既反本  
以無朕亦見心而有自躁君不撓遂明萬化之源剝道  
方終未覩一陽之至其或鼓萬物盪六幽上健行而弗  
息下剛克而勿休蒙亨艮止以互作雷動風行而不收  
此乾坤之功也心無得而可求及其化功成物理革高  
明之體無用沉潛之形莫索凝然若混沌之未鑿寂兮  
如庖犧之未畫此乾坤之本焉心有求而可賸得不窮  
動靜之旨審語默之端其心斯在其妙可觀聖人見之  
則政尚簡教尚寬棄智而化萬姓垂衣而總百官故帝

堯之道天思安安非復之義者諒至此而攸難君子見  
之則返諸身視諸掌既絕慮于嗜慾乃游神於因象故  
孔子所謂其道蕩非復之至者亦捨此而真往是知  
運行者天地之時寂靜者天地之基心亦在其中也物  
莫得而見之坐忘遺照之人於茲得矣至日閉關之義  
何莫由斯我后端冕疑旒窮神知變希夷之理斯極清  
淨之風克扇大哉天地之心明明而可見

尺蠖賦 尺蠖之屈以求伸也

蠢爾微虫有茲尺蠖每循塗而不殆靡由徑以或躍懼  
速登之易顛固將前而復却所以伸尼贊易取譬于屈

伸老氏立言用嘉乎柔弱吾嘗考畫卦之深旨見觀象  
之有以蓋美其時行則行時止則止寧鳧趨以鴻漸不  
磨驚而鵲起知進知退造幾微於聖人一往一來達消  
長於君子物有以小而喻大事可去彼而取此至若春  
日遲遲品彙熙熙知時應候附葉尋枝每委順而守道  
不躁進於多岐自中規而中矩非載馳而載驅其行也  
健而不息其氣也作而不衰曲乎形類形弓之彎矣隆  
乎脊狀祝圍敵以陳之豈比乎蛛張網而役役蟻循磨而  
孜孜者哉懿夫微物尚有伸兮有屈胡彼常流但好剛  
而惡柔苟克己以為用奚反身而自求得不觀所以察

所由驗人事之倚伏考星躔之退由自然寒暑相推而  
歲功及物日月相推而大明燭幽者也其或昧其機循  
其迹不知我者謂我進寸而退尺探諸妙蹟諸神知我  
者謂我在屈而求伸異蜂蠆之毒惟思螫人等龍蛇之  
螫實可存身夫如是則蛙黽怒而受式非度德者螳螂  
奮而拒轍豈量力也未若尺蠖兮慎行止明用舍予將  
師之庶悔吝而蓋寡

聖人無名賦

元聖之道無得稱也

聖人執大象體乾元雖有教以及下故無名於自尊仰  
之彌高強配乃神之號為而不有奚矜惟睿之言原其



先天之謂道體道之謂聖所以居域中之大所以謂天  
下之正惟澹惟默固抱璞以含章不識不知豈命氏而  
考姓所謂上德不德無為不為其作也萬物斯觀其用  
也百姓弗知難審之耳目徒象之於希夷亦猶微妙者  
神為蓋強而名矣蒼黃者天也但據遠視之徒觀其妙  
有群生躬臨天寶寧鑽燧以啓祚豈巢居而建號聰明  
盡黜罔求濬喆之褒迹用弗彰但守虛無之道得非喪  
天下於華胥得衷中於道軀地身牛首兮非吾之耦雲  
官鳥紀兮莫我為徒躋王而黜霸孰追堯而禪虞其或  
稽之以帝籙皇圖則視之若無求之以溫恭允塞則名

之莫得亦何必粟陸氏以居尊據軒轅氏而啓國者哉  
所謂莫之與京無得而稱探至蹟以為用曷常名而足  
徵尼父復生欲憲章而何取于長雖在思紀列以無能  
今我后尚黃老以君臨闡清淨而化下抑徽號於睿聖  
扇玄風於華夏有以見聖無名兮神無功信大人之造  
也

橐籥賦

天地之間其猶橐籥

伯陽以體道立言探乎極玄見乾坤之用也取橐籥而  
比焉豈不以德無彊者謂之地功不宰者謂之天譬翕  
張而氣作猶吹煦而聲傳用能萬物自化八音克全故

王者法之以虛受帝道用之則無偏者也原夫橐也者  
利於鼓風籥也者存乎運吹雖有質以充充殊且無心而  
匪異故可以侔造化比天地一開一闔勃焉而元氣生  
變宮變商冷然而正聲至亦知天道無為地道博施於  
以麗百穀於以行四時皆虛中為動也故自外而應之  
是以橐之用則飛霆走電籥之運則如填如麓信天地  
之義若此而橐籥之理在茲得不求諸繫表取自無間  
不言而應物妙用而循環趨聖域叩玄關昧其旨者徒  
小心翼翼得其要者惟大智閑閑是知虛而不屈為橐  
之師動而愈出為籥之資本虛無而生矣因形器以觀

其所以天地之心悠也久也帝皇之道斯焉取斯懿夫  
二儀昭合一氣夷猶或動或靜克剛克柔取乎韜韜焉氣  
動而物來斯應類乎笛也樂出而人無我求至矣哉天  
地有大德其鼓動也于囊于橐天地有希聲其煦嫗也  
維竽維籥雖小大之不類信擬議而咸若今我后道合  
希夷心無適莫蓋囊括以為用豈管窺而可度所以百  
姓日用而不知又孰見聖人之有作

醴泉無源賦 王者之端何有原本

泉本靈長皆從濫觴何無源而自湧應有德以呈祥厥  
味孔甘可飲九苞之鳳其波不濁寧朝百谷之王豈不

以地乃至柔水惟善下不愛其實於以光乎聖人感而  
遂通於以歸乎王者俾沸渭以出焉奚疏鑿之謂也神  
化難知汪洋在茲視之者孰分似帶挹之者咸謂如飴  
匪自高山非貳師之刺矣不居絕塞豈耿恭而拜之有  
以見德及於地不期而至其潤也齊乎聖澤其湧也偕  
乎睿智浪井不鑿我則同出而異名靈芝無根我則重  
祥而豐瑞稽于是泉也其源不見於義則那其味且旨  
在理云何得非源之隱也與凡流而有異味之美也表  
聖德而靡它不然又安得匪因掘地而自可蠲痾者哉  
出鳥鼠者非吾之耦產蛟龍者亦孔之醜陋河水之九

曲突涇泥之一斗自然而然而有考乎彼派應居  
水府之先効彼休禎合列祥經之首是何不在高原波  
騰浪翻孰知乎桐栢孰謂乎崑崙任大禹之功深寧歸  
畎澮縱張騫之力盡曷識根源士有自立身謀非因世  
本桴學海以斯以導言泉而漸遠期作瑞於昌朝免常  
流之一混

火星中而寒暑退賦

心火中則寒暑斯退

惟大火之照臨亦舒陽而慘陰寒暑將交於時令經纏  
必在於天心冬夕子烏栗烈之風自止夏暑中矣鬱蒸  
之氣爰沉不知誰為種揄其著日火隨衆心以拱極正

二氣而在我小人怨咨之語望之則銷大鈞吹煦之期  
違之莫可所以指命顛頊迴旋祝融自然無出其右寧  
勞舉正於中作疑日馭逐魯陽之戈再懸碧落定星示  
楚宮之役迥推長空遂使祁寒知難而少抑暑雨交緩  
而自息垂繒之壞知正衣葛之人動色不知我者謂我  
執造化以弄權知我者謂我正陰陽而作則顛聖人之  
南面令之而必從任天道以右旋踰之而莫得至若北  
陸兇殘人斯鮮歡層氷飛雪以俱至挾纊重裘而罔安  
我之中矣可以却彼司寒又若南訛赫怒人失其所焦  
砂爛石以何盛輕蓮織締而曷禦我之中矣可以祛其

酷暑是何表正二儀亭亭在茲營室樽巢兮取之於彼  
收藏長養兮何莫由斯標不宰之功所以均乎六氣示  
無言之信所以成乎四時大矣哉行度無差寒暄自退  
天垂象以是仰世作程而斯在年年兮東作西成明明  
而可大可久

目細字俱不寫

四皓廟二首

餘俱同

王黃州小畜集卷之三

古調詩

酬种放徵君

一百韻此篇為首重高士也

太歲在辛卯九月萬木落是時太陰虧占云臣道剥王  
 生出紫微譴逐走商洛扶親又抱子迤邐過京索弊車  
 載書史病馬懸囊橐西都不敢住空負香山約閱鄉正  
 南路秦嶺峭如削肩輿礙巨石十步三四却妻孥亦徒  
 步磧礫不容脚山店盖木皮煙火渾燼灼夜深聞鬢席  
 合家屢驚懼山泉何紫回切列無橋約卸鞍引羸蹄解  
 襪事芒屨晨澗髮可鑿朝涉脛如斲商山六百里天設

皆巖嶠上洛在其中控牢曾未若逐臣自可死何必在  
遠惡刺史不我顧古寺聊淹泊卜居雜民氓致養無精  
鑿知道由自寬有親強為樂側聞神先生終南卧雲壑  
長沮既躬耕元禮仍聞學王績婦未取介潔翹孤鶴之  
推母偕隱教誨脩天爵詩情亦嗜酒道氣不服藥田衣  
剪荷芟野飯烹蘆葍霧豹澤文彩冥鴻避繒繳肯從羔  
鴈聘惟恐簪裾縛如何宋右史斥鷃議鵬鴉起居舍人  
宋維翰奏  
種放隱居終南乞量才  
錄用頗為識者所笑 玄纁與丹詔恩禮誠非薄仍勅  
京兆府敦諭辭恭恪先生戀板輿純孝心堅確散髮走  
煙巒拜章謝恩渥巨材猶在澗大玉不出璞使者遂空

菴

迴輓輪何寂寞賢母名徵君庭責詞嗚嗚胡為事章句  
漏名入街郭府懸污我山脊徒謀我幄以茲近聲利安  
得成高邈誓將徙窮谷庶可逃誼濁先生拜引過為壽  
開樽酌陶陶又熙熙何嘗聞竽籥人傳到遷客面目敦  
慚作器小識不遠當年事頭角遭時得一第游宦何齷  
齷逐羶甚蚍蜉鬪耀同蝟輪宰邑乏絃歌諫垣無謬謬  
便藩朱紫綬僭忝絺綌綸閣方號駭駭龍已困狴狴狴待  
罪始知非咄哉昧先覺一聆高世行罪髮庸可擢忍耻  
賦三章塵埃寄寥廓明年會思宥量移井蛙躍靡暇謁  
南山征途望西嶽黃河波汹湧白逕苔班駁中條圍解

縣五老烟醜此鳥為群副烏敢事隕獲籠禽幸未死  
尚且謀飲啄米呼村婢春樵顧山僮斫餵馬揜寒蕪看  
書藝秋籜信口亦吟哦放心無遠莫君恩已絕望人事  
終難度相府一張紙喚起久屈蠖誠知有梁棟未忍棄  
攘捕五城天上開三殿雲間卓重取故衣冠籠畧山猿  
攫病翼得風雲壞墻勞赭堊諫官與史氏舊職聊羈絡  
舉袖拂石螭疑眸睨金雀冥心想前事一夢何揮矐長  
恐先生聞倚松成大喙關中朋友來遺我神僊作繁華  
遠客綺錦縱美人錯古澹啜釀羹文雅鏗木鐸千言距  
百韻旨趣何綽綽孰念氣如虹翻然輕抵鵲俊甚麻姑

爪快比屠門嚼渾金豈在鎔尺璧寧施琢愈風齊捧檄  
忘味同聞樂致之向懷袖日夕芬蘭若襲我塵俗韻鉛  
刀化干鏑同聲必有應過實還謔疑盛誇山中事雲屋  
張霞幕蘭芽含露採石髓和烟酌菓由泉滌耳園綺芝  
盈握有時上絕頂星斗近可摸下視塵世人營營似蠹  
螻男兒既束髮出處岐路各苟非秉陶鈞即去持矛櫛  
致主比唐虞安邊如衛霍不爾為逸人深居返吾朴胡  
然自碌碌名節日銷鑠行年過半世功業欠圭勺無術  
鑄五兵使民興錢鑄無材統六師逐寇開沙漠空言說  
王道四目看人瘼多慚指佞草虛效傾心藿一覽大雅

天起予亦何博况茲山野性謨畫昧方畧搔首謝簪纓  
行將返耕鑿

寄獻鄜州行軍司馬宋侍郎

鉅賢如木鐸一聲振蓋代丈夫文曲星譴謫落下界辭  
源發崑崙意盡若倒海昔在神德朝少秀負文彩擢第  
應制舉名試拂華蓋醉揮拔萃判一字不復改傳寫徧  
都下紙貴無可買一命佐著作芸閣垂纓珮歌詩數千  
首人口炙與繪志太輕俸錢痛飲負酒債庸蜀既即叙  
出命玉津宰題柱薄長卿銘閣笑張載錦水清見髮峨  
嵴綠於黛物華曾不負詩酒聊自待旨甘豈擇祿印綬

久不解陶潛腰任折菜子有衣彩蹉跎歷四邑塵土不  
可擺吾皇在藩邸聞名四聰駭即位未決旬獨許延對  
相見恨見晚欣然契嘉會諫官聊假道紫微遽真拜制  
誥復西漢碑板揭東岱金鑿赴夜召顧問及遠大白麻  
幾千級意出元白外薦賢恐不及誘善曾無怠當朝自  
獨步晚節亦泛愛有別樂聞韶無譏詩自鄙賤子在廣  
場知見殊流輩進士數且千馳騫稱俊邁人人握靈蛇  
許我珠無類超拔冠多士權貴不得礙御前中科第閣  
下備察察詎惟師碩德常許接佳話國朝大手筆日夕  
期鼎鼐曾中泰山雲舒卷何靈壽言下傳巖雨蓄縮未



霧滯吾道遂難行一旦同得罪典午信冗散貳車更狼  
狽商於甚僻陋廊時近山寨共月踰千里便風無人介  
何當遂乘桴侍坐浮渤澥大笑引淳風樽前一長噫今  
茲當委順自昔無芥薑投捉詩助醉吟入室生徒恠在

寄題陝府南溪兼簡孫何兄弟

中湖在陝服自昔名所重許昌遺唐律人口尚傳頌請  
跡固秦莽勝槩猶出衆前年謫商於過此方憂恐無暇  
濯溪泉惻惻心甚痛量移遇恩宥方寸猶放縱故人孫  
漢公勤懇事迎送杞車得三宿延我入溪洞春殘尚有  
蝶夏首始見竦朱櫻實頗繁黃鳥聲亦弄地幽接府署

亭尚高瞰村壘紫砌水逶迤入蒼山龍從鯉翻自躍金蝸

篆饒餘永石危君子介筍亂小人勇虛涼集鷗鷺爽塏

無蚊蠓芙蓉葉巧如剪萍根密非種逕苔自班駁岸草玄

翁萃官醞綠開瓶時果青出籠醉中猛別後依約似一

夢唯愁當要路時復棲闌茸解梁難近山境墉費耕種

常風有監自鹽南日夕塵瑣捧雲泉既遼遠草樹非秀聳况

茲炎蒸月繫縛何所動緬懷八龍會南溪與誰共棣萼

本多材甘棠應少訟枕簟與棊書鵠原聊自奉篇章取

李杜講貫本姬孔古文閱韓柳時策開晁董清吹席上

來當暑開水凍菱脆擘瓊枝瓜甘浮蜜甯氣秋綠篠戟

露曉圓荷捧照湖小賀監溪堂輕馬揔此景且不同此  
懷可長慟平生好泉石况復官散冗近聞田紫微連水  
許就俸田舍人量移單州表援例苟得請申湖當入用  
終老占溪居臥看秋泉湧

七夕商於作

去年七月七直廬閑獨坐西日下紫垣東窓暈青瑣露  
柳蛩忽鳴風簾驚頻過寂寂紅藥堦槿花開一朵時清  
無詔誥性澹忘物我兀然何所營橫枕道中臥夢入無  
何鄉蛺蝶甚么麼孰謂處深巖自得放慵情中官傳宣  
旨御詩令屬和驚起儼衣冠拜舞蒼苔破逸翰龍蛇走

雅調金石播洋洋治世音乃廢強辜課暮隨水相出自  
謂天上墮歸來備乞巧酒肴間瓜果海物雜時味羅列  
繁且夥家中樂熙熙兒戲舞娑娑可謂極寵辱方若驚倚伏忽  
成禍九月詩商於羈靡復窮餓鳳儀困鴟嚇驥足翻鼈跛山城  
已僻陋旅舍甚叢脞夏旱麥禾死春霜花木挫吾親衰  
極毫吾命何輒軻稚子啼我前孺人病我左玄髮半凋  
落紫綬空垂拖客計魚脫泉年光蟻旋磨昨夜枕簟涼  
西郊忽流火河漢勢清淺牛女姿婀娜商土本硠瘠商  
民久勞瘴霜旱固不夫水潦復無奈是歲商山居人且  
艱食行商不通貨郡小數千家今夕難愁呵呼可吾兒

索來禽耶林顧市得一顆舉家成大笑愁眉畧舒躰自

念一歲間榮辱兩偏頗賴有道依據故得心安妥窮乎

止旅人達也登王佐匏瓜從繫滯糠粃任揚簸批鳳不

足言失馬聊自賀委順信吾生無可無不可

讀漢文紀

西漢十二帝孝文最稱賢百金惜人力露臺草茅眠千

里却駿骨鸞旗影遷延上林慎夫人衣短無花鈿細柳

周將軍不拜容橐鞬霸業固以盛帝道或未全賈生多

謫官鄧通終鑄錢謾道膝前席不如衣後穿使我千古

下覽之一泣然賴有佞幸傳賢哉司馬遷

合崖湫

合崖向散堂湫水何冲澗傳污暨積潦滯泥不朝宗有

時見鬼恠無人薦王公正可飲麋鹿未當產蛟龍出山田

自神之祠祀眾口同今春商於旱太守職憂農先請境

內山熊耳有如聾乃迎是秋水盈乎素丘中州民與郡

吏覘女雜巫童朝祈又七夕禱拜起虔且恭馨鑪復奠爵

牲幣潔而豐造與天雨會三日勢濛濛致謝送水歸盡

禮有始終水旱盡定數災祥與政通傳巖道喪久咄爾

貪天功

吾志

吾志生非不辰吾志復不早致君望堯舜學業振孔姬自  
為志得行功業如臯夔既登俊秀科又在清切司諫紙  
無直言綸誥多媿辭黽勉為何事親老與妻兒一旦命  
執法嫉惡寄所施丹筆方肆直皇情已見疑近逐深山  
中窮辱何羸羸于張及不得于定國張釋之安用此生為  
攜稚子東園刈菜因書觸目兼寄均州宋四閣長  
大鷲引新鷄小鷄哺老烏青青樹木間禽鳥聲歡娛我  
攜二稚子東園擷春蔬可以奉晨饌采采供貧厨非因  
誠不能割身實無餘緬懷宋閣老同日出京都謫宦不  
攜家留妻事老姑塊然武當下此樂園亦無

四皓廟

秦皇焚舊典漢祖溺儒冠萬民在塗炭四老方晏安白  
雲且高臥紫芝非素食南山正優游東朝忽艱難高步  
揖萬乘拂衣歸重巒飛鴻自冥冥束帛徒戔戔古廟對  
山開清風向人寒更無隱道士室有賓客官况我謫宦  
來塵跡污祠壇朝衣慙蕙帶佩玉媿紉蘭或依階下樹  
陶暑解馬鞍或借廟前水乘秋把魚竿吾道多齟齬吾  
生利盤桓登山殊未倦飲水聊盡歡精靈莫相笑此意  
且盤旋

其二

小言望小利載在禮經中遂有鷹犬輩拔劍各爭功一出定萬乘去若冥冥鴻寂寂千古下孰繼採芝翁

不見陽城驛前序

予為兒童時覽元白集唱和陽城驛詩時預貶江陵過南山南感陽道州而作是詩也且改驛為避賢郵不忍呼其諱也樂天在翰林得而和之又見杜紫微富水驛詩題下解云富水驛舊名與陽諫議同卒章曰驛名不合輕移改留警朝天者惕然淳化二年秋九月予自西掖左宦官商於訪其驛即無有也驗之圖經求諸郡境則富水地存而驛廢陽城之號遂莫知矣因作古風詩申明

三賢之作且以不見陽城驛為首句至於道州之行事元凡詩盡之矣此不復云

不見陽城驛空吟昔人詩雖改避賢郵唱首元微之微之謫江陵顛顛為判司路道商山驛一夕見嗟咨所嗟陽道州抗直貞元時時亦被斥逐南荒終一麾題詩改驛名格力何高齊竒樂天在翰林亦和遷客詞遂使道州名光與日月馳是後數十年借問經者誰留題富水驛始見杜紫微紫微言驛名不合輕改移欲遣朝天者惕然如在茲以一諱事神名呼不忍為一以名驚眾名存教可施為善雖不同同歸化之基邇來又百稔編集空

參差我遷上雒郡罪譴身繫維舊詩猶可誦古驛殊無  
遺富水地雖在陽城名豈知空想數君子貫若珠纍纍  
三章詩永泯千古名亦隨德音苟不嗣吾道當已而前  
賢尚如此今我復何悲題此商於驛吟之聊自貽

感流亡

謫居歲云暮晨起厨無烟賴有可愛日懸在南榮邊高  
春已數丈和暖如春天門臨商於路有客憇簷前老翁  
與病嫗頭髮皆皤然呱呱三兒泣惇惇一夫鰥道糧無  
粟路費無百錢聚頭未有食顏色頗饑寒試問何許人  
答云家長安去年關輔旱在熟入穰川婦死埋異鄉客

貧思故園故園雖孔邇秦嶺隔間關山深號六里路峻  
名七盤襁負且乞巧凍餒復險艱惟愁大雨雪殭死山  
谷間我聞斯人語倚出獨長歎平爾為流亡客我為冗  
散官左官無祿俸奉親之甘鮮因思筮仕未倏忽過十  
年我冠蠹黔首旅進長素餐文翰皆徒爾放逐固宜然  
家貧與親老覩爾聊自寬

除夜

四十強而仕禮文可遵守筮仕已十年明朝三十九自  
知得祿早左官官誠宜有年雖過潘岳未為全白首貧猶  
勝墨子黔突聊供口若比張辟強吾甘為老醜若比太

公望吾方為少秀任滋新歲來且獻高堂壽更解金貂  
冠多貫商山酒

竹籬

商嶺多脩篁蒼翠連山谷有鼠生其中薦食無厭足春  
筍蠶生犀秋筠折寒玉飢飽致肥膾優悠恣蕃育林密  
鳶不攫穴深犬難逐鳳凰餓欲死彼實無一掬唯此竹  
間籬琅玕長滿腹暖戲綠叢陰舉頭傲鴻鵠不知商山  
民愛爾身上肉有鍾利其鋒有錐銛於于鏃開穴窟如囚  
洄洄肖聲似哭膏血尚淋漓攜來入市鬻竹也比賢良鼠  
兮顛盲俗所食既非宜所禍誠知速吁嗟狡小人乘時

竊君祿貴依社樹神俸盜太倉粟塗簧佞舌鳴藥石嘉  
言伏朝見秉大權夕聞罹顯戮李斯具五刑趙高夷三  
族信有司殺者在暗明于燭彼狡勿害賢彼鼠無食竹  
觀鄰家園中種黍示嘉祐

北鄰有閑園瓦礫雜荆杞未嘗動耕牛但見牧群豕今  
夏赤旱天斲琢誰家子播種甚莽鹵苗稼安能起秋來  
連月雨柴門晝不啟新晴一携杖出戶聊徙倚重到田  
中立黍稷何穢穢吐穗欲及肩烏雀穀亦喜力穡乃有  
秋斯言不虛矣向使嬾種植荒榛殊未已有書閑不讀  
為學還如此

疏食示舍弟禹金并嘉祐

吾為士大夫汝為隸子弟身未列官常廢人異何异無  
故不食珍禮文明所記况非膏梁家左宦官之貲費商山  
木未侵早穀價方騰貴更恐到明春藜藿亦不繼吾聞柳  
公綽近代居貴位每逢水旱年所食唯一器豐稔即加  
籩列鼎又何媿且吾官冗散遣為時所棄汝家本寒賤  
自昔無生計菜茹各須甘努力度凶歲

王黃州小畜集卷之四

古調詩

懷賢詩 并序

僕直東觀時閱五代史見近朝名賢立功立事者聳慕  
不已思欲形於詩詠而未遑今待罪滁上雖不與郡政  
專以吟諷為事業因賦懷賢詩三首仍以官氏列於篇  
首云

桑魏公 維翰

魏公王佐才獨力造晉室揮手廓氛霾放出扶桑日感  
慨會風雲周旋居密勿下民得具瞻上帝賚良弼沉沉

懷賢詩三首  
桑魏公 維翰  
五哀詩  
故尚



惟幄謀落落政事筆品流遂甄別法令頗齊一跋勅朝  
據案論兵夜造膝多士若鴛鴻官材咸有秩諸侯如狼  
席請謁盡股栗秉鈞多事朝綽、有紀律遠將留侯比  
近似贊皇匹志在混車書誓將闡儒術皇天未厭亂運  
去何颺歎高祖厭寰區少帝無始卒老成既疏遠群小  
相親昵瀆武兵漸驕倒懸人不恤和親絕強虜謀師用  
悍卒魏公在藩垣上疏論得失七事若丹青辭切痛入  
骨忠賢殊不省直道果見屈鉄馬從北來煙塵盡蓬勃  
寧廬易市朝左袵雜纓紱主辱臣不死囚縛自安逸惟  
公獨遇害身殞名不沒惜乎英偉才濟世功未畢一讀

晉朝史遺恨恐鬱于孫亦不振天道誰致語

李兵部濤

有唐張曲江盛名何曄曄請誅安祿山先覺不見納胡  
雖有反相其事遠相接賢人何代無舊史聊可獵兵部  
事晉朝文學科中甲強臣方跋扈朝士多惟怯獨持上尚  
方劔顧斬犇鯨鬣堂堂張彥澤反勢凌閭闔拜章請顯  
戮直氣不可壓三進叩玉墀植笏立莫英皇情彌慰撫  
清問屢應答終焉念小恩曾不顧大業高吟歸去詩潺  
湲淚承睫建踵即亂華有同虞不臘張公領錢馬朝市  
胡塵合刺謁甚閑詳辭氣殊不懾帟狼不敢害加禮為

下榻當年棄謬異代居調燮相位席不煖帝澤安可  
洽斯民既淪此風亦蕭颯滑稽何足累大節世已乏  
安用學腐儒矻矻守禮法

王樞密 朴

西樞經緯才慷慨遇真主文學中甲科風雲叅霸府直  
躬在密勿未始畏強禦凭案讀古書箕踞視太祖澤欲  
浸生民化將還遂古拆寺過武宗排佛如韓愈盡髮群  
莖葛使之執禾黍兵威遂強盛人力不耗蠹世宗征淮  
甸委任當留務馬前拜侯伯堦下列麒麟叱咤氣生風  
將校汗如雨手築太平基胼胝不輟杵具瞻人有望衰

運時不過修短天難忱殲奪民何怙恩深與小歛撫柳  
甚悲沮云亡復殄瘁前哲非虛語世豈乏賢良才難具  
文武層象過羲和文章敵燕許可能推墮衆人冥冥歸塵  
土子孫雖衆多必復事未覩誰銘遷客詩高揭王公墓

五哀詩 有序

予讀杜工部八哀詩惟鄭廣文蘇司業名位僅不顯者  
餘多將相大臣立功垂裕無所哀矣噫子美之詩蓋取  
人之云亡邦國殄瘁而已非哀乎時也有未列於此者  
待同志而嗣之云

故尚書兵部侍郎琅琊王公 祐

琅琊名父子少孤起徒步贊謁桑魏公藻鑑非易與  
頂久歎惜王楊許為伍諸侯取為官佐幕大名府主帥  
杜重成功大心跋扈天驥被繫維神龜羅網罟六師薄  
孤壘三面開生路主人既釋放賓筵因註誤逼脅本非  
辜貶謫尋不赴折腰紆墨綬疎榻翼未久舉梁汝州縣  
長鄉有辭賦裏行旌邑政柱史登朝署序抨彈志不樂潤  
色身有素錦窠應列宿星垣吟藥樹丹青生帝典金玉  
鑑王度東觀秉直筆南宮司貢部時英萃門下藹藹騰  
嘉譽鵬掀六月風豹蔚七日霧多材同列忌嫉惡姦人  
怒排斥屢專城織羅仍典日千名官頗流離衣食嘗貧窶

文明起代邸振拔非不遇紫微雖正拜白髮已遲暮史  
魚直有道道張也剛不吐非才占清列志欲投兕席英俊  
在草萊力能生翅羽毀譽兩無私華袞間繡斧掌選循  
故實尹京恥鈞距名位僅三事疾瘵嬰二豎告滿拜貳  
鄉君恩慰沉痾終見哲人萎蕭蕭空壟墓鯉庭有令嗣  
鳳閣登仙署兩制列門生九原應自許蒼蒼猶足信吾  
道似有訴餘慶在于孫明明深可據

故尚書虞部員外郎中知制誥貶萊州司馬渤海

高公錫

文自咸通後流散不復雅因仍歷五代秉筆多艷冶高

公在紫微濫觴誘學者自此遂彬彬不蕩亦不野惜哉  
傷跡進忤旨出閣下吾君登大寶允澤連霽灑均陽又  
淮陽移徙曾不暇遂無辜復命虛偶文明化何路得自  
新賚志入長夜人謂責太深終於邵司馬

故殿中侍御史榮陽鄭公起

柱史有名跡清才自天縱構思卿雲合落筆醴泉湧歌  
詩與文賦錚錚人口誦揚袂入澤宮鵠心一箭中恃才  
善戲謔負氣好侮弄大志有誰知細行垂自訟小諫事  
世宗惕惕佩光寵太祖方歷試握兵權已重上書范魯  
公先見不能用曆數不在周謳謠卒歸宋汗漫失屠龍

百城居士文房

接輿遂歌鳳行荷伯倫鍾高臥畢卓瓮神德不為嫌優  
待臺憲俸晚求萬泉令吏隱官資冗一旦隨朝露識者  
彌哀痛無家子嗣家聲身世若一夢文編多散失人口  
時傳頌空持一器酒何處澆孤塚

故國子博士郭公忠恕

汾陽飽經術賦性甚坦率在昔舉神童廣場推傑出尚  
書誦在口何論落自筆公應舉時口念尚書手寫論語總角取科名弱

冠紆纓紱早佐襄陰幕漢鼎入周室矢志罷屠龍佯狂  
遂捫風周行亦龜勉吏隱多放逸滑稽東方朔圖畫王

摩詰古文識科蚪與學辨萍實字窮蒼頡本篆證陽冰失

王績醉為鄉伯倫居無匹足俸錢之一囊宦路送三  
黜朱衣多不着著白髮仍慵擲漸老羈旅年方見昇平日  
忽以召技術名此意殊鬱鬱放口忤無鬚何門求造膝遁  
逃終見捕譴逐道中卒遺孤落閭閻荒塚鳴蟋蟀手澤  
漸難求誰家耀繡帙投吊焚此詩九原應有物

故太子中允知洛陽縣事穎公贊

洛陽富文彩峭拔四子流提筆入廣場辭氣干斗牛擢  
第在芸閣言事觸冕旒左在降宰百里道勝心無憂才高  
恥吏役放蕩不檢脩起應賢良科下筆不見休青宮尚  
淹恤赤縣且優游輕財糞土賤高義雲天浮懸磬任貧

窶盈樽長獻酬知己彼何人鳳閣與鼈頭推挽終不起  
壯志將焉收晚年圯橋役闕市良可羞馬忽然為異物寒  
草封一丘孀嫠應東餓交友誰尋求遺孫方稚齒爽秀  
已道道皇天若有憑必使光貽謀

太一宮祭迴馬上偶作寄韓德純道士

去年暨今夏承詔祠天神昔嘗搖落時宮葉紅紛紛此  
來芳春暮官草青萋萋三日奉齋潔百骸祛垢氛御氣  
署致恭虔天香何細緼監祀黃門郎攝官紫微臣松枝  
拂劔珮樹影光播紳燈燭火晃白晝香花藹清芬金殿禮  
神仙瑤壇醮星辰至誠不為己友鑒當福仁質明祀事

畢復命趨紫宸揚鞭入村落緩轡聊逡巡麥田少時雨  
蚕月無閑人自慚懷祿仕蠹此力穡民又拋三洞趣來  
入九衢塵不如韓道士長此養天真

送筇杖與劉湛然道士

有客遺竹杖九節共一枝鶴脰老更長龍骨乾且竒我  
問何所來來從西南夷因思漢武帝求此民力疲明明  
聖天子德教加四維蠻貊盡臣妾縣道皆羈縻燹燹僅與  
笮馬入貢何纍纍此竹日已賤輕視如蒿藜我年三十  
七血氣未全衰况在紫微垣動為簪笏羈倚壁如長聲  
物歲月無所施寸心空愛惜惜此來天涯忽承明主詔

來謁太一祠再見劉先生氣貌清且羸持此以為贈所  
謂得其宜少助橘童力好引花鹿隨步月莫離手看山  
聊措頤微物懶致書故作筇杖詩

對雪

帝鄉歲云暮衡門晝長閉五日免常恭三館無公事讀  
書夜臥遲多成日高睡睡起毛骨寒窓牖瓊花墜披衣  
出戶看飄飄滿天地豈敢患貧居聊將賀豐歲月俸雖  
無餘晨炊且相繼薪芻未闕供酒肴亦能備數杯奉親  
老一酌均兄弟妻子不饑寒相聚歌時<sub>瑞</sub>因思河朔民輸  
稅供邊鄙車重數千斛路遙幾百里馬蹄凍不行死

轍水難曳夜來何處宿聞寂荒陬裏又思邊塞兵荷戈  
禦胡騎城上卓旌旗樓下望烽燧中方勁添氣力甲寒侵  
骨髓今日何處行牢落窮沙際自念亦何人偷安得如  
是深為蒼生蠹仍尸諫官位謬諤無一言豈得為直士  
褒貶無一詞豈得為良史不耕一畝田不持一隻矢多  
慚富人術且乏安邊議空作對雪吟勤勤謝知己

金吾

金吾河朔人事都在賤列攀附周世宗龍飛起魚鼈委  
質向聖朝積功取旄鉞所在肆貪殘乘時恃勲伐皇家  
平金陵九江聚遺孽弥年城乃陷不使雞犬活老小數

千人一怒盡流血三感感無不具五福何嘗缺晚年得執  
金富貴居朝闕娛樂有清商康強無白髮享年六十九  
固不為夭折考終北牖下手足全啟葬子孫十數人解  
珮就衰經贈典頗優崇視朝為之輟哀榮既如是報應  
何足說責薄李廣死賜劔武安滅僥倖過古人况無大  
功烈福善與禍淫斯言僅虛設吁嗟為儒者寒餓守名  
節五十朝大夫龍鍾頭似雪無故不殺羊禮文安可越  
何況賓祀間貧苦無羊殺

送戚維戚綸之閬州亳州

古人貴道德豈以祿位拘有道不在位顏回舜之徒無

德殃且至商受為獨夫以此固名郎富貴安足圖睢陽  
戚先生今世古之儒終身不求仕沒齒惟誦書孝愛睦  
姻族淳謹化里閭文翁變蜀土尚以德位俱仲淹居汾  
水專用素教敷青青子衿葦擲比曳朝裾盛德苟無報  
吾道將焉如鯉庭生二子驪頷委雙珠朴厚有父風學  
業張皇暮各登進士科齊乘使者車閩中佐郡政亳社  
司摧醜佐郡古古半刺可使悍娶蘇摧醜今摧道亦助  
軍國須牽車驥雖屈補履乃有餘誰謂佐著作在上積  
薪芻誰謂光祿勳其中混瓊瑤我亦何為者先上青雲  
衢伐木空求友拔茅未連茹終待奮直筆會當伏青蒲

請慎名與器願分賢與愚彙征補皇極戮力張道樞巨  
魚方煦沫相忘在江湖冥鴻當順風淬翼摩太虛此志  
尚壹鬱所冀良悲吁苦縣且密邇劔關多崎嶇于役勿  
為數加郎聊自娛尺素惠好音無惜雙鯉魚

送陳侯之任同州

丈夫貴自奮何必恃貽謀當年功不立古人重為憂太  
師忠順公沒世有餘休令子一何賢恥隨竇蔭流碌碌  
奉朝請君恩何以酬鬱鬱不快意上章聞冕旒願為循  
良吏未甘恩澤侯夫子嘉乃誠錫命蒞同州同州古三  
輔北望雒且優詔條得以布民瘼得以求勿謂綺紈子



當有襦袴謳詩云無忝爾禮云必為求去去繼旄節免  
作將門羞

### 送朱九齡

吏隱不求貴親老不擇祿之子有俊才弱冠中正鵠弗  
墜先人業何慚有道穀一命佐碭山枳棘聊容足再命  
宰嘉興絲桐幾平聲易俗率身甘菜茹養母求梁肉承顏  
苟不虧折腰未為辱解印無餘貲舟中只琴筑十已寄  
淮泗一身來輦轂又說東南行秋風江水綠鄱陽古名  
郡赤金流山谷每歲鼓錢刀從來設官局還得便高堂  
無辭縻逸躅颺帆江湖思不脫天地肅楓葉紫爛編蓼

花紅景毅津吏晚來迎漢僧夜留宿至止事方簡慢游  
從所欲江城豐稻梁水市多魚菽三載奉甘飴百錢飽  
家族自有綠衣華勿歎藍袍綠行年未三十氣壯顏如  
玉行義日以聞焉能長碌碌終列侍臣班耀我同年錄  
且賦白華詩唱作離筵曲

### 暴富送孫何入史館

孟郊常貧苦忽吟不貧句為喜玉川子書船歸洛浦孟郊  
有忽不貧喜盧全書船歸洛詩迺知君子心所樂在稽古漢公得高科

不足惟墳素二年佐棠陰眼黑怕文簿躍身入三館爛  
目閱四庫孟貧惜不負孫貧今暴富暴富亦須防文高

被人妬

贈劉仲堪

劉生頗少秀為學識根柢丘軻有堂與試脚到堦砌揚  
墨恣荒榛揮手欲芟薙携文訪謫居趨向非權勢對挹  
雛鳳下交言孤鶴唳在璞認良玉行當為國器彼茁見  
靈茅佇可供王祭豈止隨眾人區區一枝桂宜哉孫漢  
公妻子以兄弟吾家兄之子笄年未伉儷恨不早相逢  
取子為佳壻

送馮尊師

時再為拾遺

前日訪潘閣下馬入窮巷忽見雙笋石臥向青苔上云

拾葉居士講抄

是馮尊師秋來留在茲今說東南行問我堅乞詩人見  
宋閣老亦言師甚好欲去天台山即別長安道臺閣有  
群英贈別瑰與瓊瑋然滿懷袖此事殊為榮安用徵吾  
句吾道方齟齬老為八品官有山未能去束髮髡男兒  
出處貴得宜出則學臯夔獨立稱帝師處則同喬松決  
起如冥鴻誰能似蚯蚓蟠屈泥土中師行甚可羨雲鶴  
無羈絆為我持此詩題於桐柏觀

八絕詩八首  
庶子泉

王黃州小畜集卷之五

古調詩

八絕詩 有序

唐大曆中隴西李幼鄉以宮相領滁州刺史始游琅琊山立寶應寺故泉有庶子之號李陽冰篆其銘存諸石壁白龍泉又次焉繇是亭臺溪洞合垂藤蓋謂之八絕云皇宋至道元季予自翰林學士出官滁上因作古詩八章刻石於寺寺名開化者我朝改之也

庶子泉

物趣固天造物景不自勝泉乎未遇人石罅徒流迸宮

相政多暇行樂躡巖磴發蒙漲為溪幽致茲焉盛唐賢  
大曆後峭壁刻名姓我來一何暮今秋始乘興山勢環  
有缺山門壺引柄乍挹清泚姿頗愜幽閑性味將春茗  
宜光與曉嵐暝架竹落僧厨遠聲入清磬何當宿禪室  
歌枕終夜聽飲多病骨換照久塵襟迥銷盡謫居愁無  
心治歸艇

白龍泉

崖石何鑿、渤溘湧山脚含虛光可鑿倒影壁如削瀾  
漫到前溪支脉通遠壑白龍乃神物胡此戀一勺勢能  
為霖雨力可共與雷電上天未有命茲焉縮頭角應防困

螻蟻泥蟠詎敢躍菹醢曾是憂豢養殊非樂亦如君子  
道出處貴先覺吾生苦遷謫未免郡政縛偶來泉畔坐  
感興題秋穉斗藪纓上塵試就清漣濯聊將一掬水洗  
我面慚作日暮不忍歸風埃滿城郭

明月溪

漲溪者為誰人骨皆已朽我來尋故跡溪荒亂泉吼惜  
哉幽勝事盡落唐賢手惟餘舊時月團圓照山口

清風亭

茲亭廢已久厥趾猶在哉清風為我起疑有精靈來神  
交念宮相臨砌傾一杯迴頭問黃菊寂寞為誰開

望日臺

荒臺隱層碧雲磴踰百尺攀蘿試一上登依然有遺跡掌  
舒舊砌平屏卓諸峰直憑高聊寫望孤懷念鄉國長安  
不可見但對金烏赤傾蓋葵藿心庶免浮雲隔

歸雲洞

碧洞何眺、呀然倚山根朝雲出如嘔暮雲歸如吞大  
塊氣不死茲為玄牝門石擁左右勢若羈帟躄旁行  
數十步添黑不可捫安得鞭燭龍為吾前馳犇尋畫神  
仙窟一一知其源

陽水篆

泠泠庶子泉落、陽水筆雲起勢崩垂龍蛇互蟠屈嶧  
山既剝滅石鼓又缺失唯茲數十字道勁倚雲窟摸印  
徧華夷流傳耀緗帙書誠一藝爾小道詎可忽乃知出  
人事千古名不沒

垂藤蓋

古藤何膠蟠低蔭庶子泉童童若垂蓋持挂在絕壁前月  
穿波影碎露滴岸聲圓曉籠使君醉夜覆溪僧禪昔之  
好事者為作出偶然人亡藤已朽猶得聲名傳我欲移  
青松植向泉眼邊既圖歲月久復取節操全所為亦一  
時所期或千年庶吾不朽名長與偃蓋懸

東門送郎吏行寄承旨宋侍郎

西門送僕射鞍馬照路光南門送貳卿冠蓋遙相望東

門送郎吏艤舟隋堤傍是歲六月十一日僕射呂相公赴西京二十一日禮部赴南陽

二十三日予赴滁州郎吏誠隔品同直白玉堂丈人况

知已振拔在舉揚携手惜我去深勸離別觴醉中不記

事煙水空茫：醒來聞鳴櫓嘔軋獨自傷猶疑在禁中

殘漏寒丁當迴望吟臺間五雲渡帝鄉衆散今如此升

沉庸何傷丈人名位峻只尺登巖廊平居倦朝請高論

思退藏圃田有別業古木羅脩篁潭亭寒蕭：池波碧

泱：嘗云拂袖去可以傲羲皇丈人果能爾職度非尋

常安車比踈廣辟穀如張良再拜願夫人壽考仍康強

自念山野士不解隨圓方宦途多齟齬身計頗悲涼行

將解簪笏歸去事農桑幸容操履杖灑掃循立墻

送林介

八年困名場萬里省慈親吟變閩越聲衣有京洛塵况

復久相依知于文行淳不能致一第虛作金鑿臣昔予

貶商洛相送遠涉秦今予謫滁上語別清淮濱途窮與

道喪詎免同沾巾

北樓感事并序

唐朱崖李太尉衛公為滁州刺史作懷嵩樓取懷歸嵩

洛之義也衛公自為之記其中述直翰林時同僚存歿  
且有白鶴雜黃犬之歎頗知露退之心及自滁徵拜再秉  
鈞軸卒以怙權賈禍貶死海外則向之立言誠室文爾  
皇宋至道元年夏五月僕自翰林學士尚書禮部員外  
郎知制誥除工部郎中知滁州軍州事到郡之日訪衛  
公舊跡樓之與記皆莫知也而郡有北樓通刺史公署  
登眺終日甚亦自得作北樓感事詩以見志

北樓出林杪登覽開病姿旁帶滁州城雉堞何遠迤下  
入刺史宅却臨統軍池

孟統軍鑿小池在樓下

伊予翰林客失職

方在茲西衙簿領外盡日吟望時曉晚度急雨夏木交

繁枝淮南氣候殊經秋轉黃鸝簷前有山菓採掇亦甘  
滋傳樽中有官醞傾酌任醇醪忘機得真趣懷古生遠思  
念昔李太尉落：邦家基下筆到西漢料兵如六奇謫  
官采此郡鬱、時一麾嘗作懷嵩樓記文悲盛衰甚得  
進退理深明禍福機未幾再入用斯言忽如遺君恩匪  
膠柱天殃若影隨六月萬里行炎荒竟不歸功成又名  
遂不退將安之姑以人事較勾憑天命推矧予草澤士  
被褐復羨慕謬因弄文翰八載侍丹墀三入承明廬古  
人期並驅也玉堂百日罷所累非文辭強仕未為老望郎  
不為卑淮邊永陽郡人物自熙熙費用量所入豐約從

其宜一妻本糟糠不識金翠施三男無庶孽詎愛紕綺  
賞甘貧絕誅求易退無羈縻五十擬歸耕何必懸車期  
且予望衛公雲龍與山麋唐賢昔際遇文雅道光輝進  
士取將相易於俯拾棊自從五代來素風已陵遲干戈  
為政事茅土輸健兒儒冠筮仕者僅免凍與饑至今明  
聖代此風猶未移自無經濟術烏用碌、為歸與復歸  
與無忘北樓詩

送劉職方

罷直出玉堂詔授尚書郎朝僉假郡印承乏來永陽喜  
開黃紙書云替劉職方職方老狀頭疇昔名擅場宦游

三十載寸進鴛鴦行未出六品班髭鬢已垂霜顧予新  
進生遭時恣翱翔綸闈與內署掌誥侍玉皇夜召赴浴  
殿春遊柏梁晚出銀臺門朝服含天香為儒能到此  
自道摩穹蒼今年四十二典郡清淮旁臥錦郎位正腰  
金服色光見君深自媿撫已庸何傷古人重交代子孫  
不相忘西掖替左司劉白形詩章劉夢得贈白公詩云  
蘇州刺史例能詩西  
掖今來司况我添翰林而君列文昌待將官與氏三寺題  
脩篁共保不朽名他年比甘棠昇沉何足道聚散安有  
常且當唱此詩為君送離觴

感興



吾嘗入深山溪谷寒且沍杉檜頗凌雲歲月自朽蠹般  
輸目不見何由用斤斧東山大夫松中岳金雞樹秦政  
本獨夫則天乃淫媼名號被常材所幸因一顧為木豈  
有命偶然生要路誰取澗底松立作明堂柱

老態

白髮不相饒秋來生鬢邊黑花最相親終日在眼前老  
態固具矣宦情信悠然惟當共心約收拾早歸田

官醞

為郡得官醞月給盈三斛地僻少使車時清罕留獄老  
大復遷謫吾懷頗幽獨婵娟樓上月爛熳池邊菊東院

與西亭脩：風弄竹對此不開樽騷人應慟哭獨酌入  
醉鄉陶然暝雙目醒來成浩歎胡為事口腹彘酒書垂  
戒群飲聖所戮漢文亦禁酒患在縻人穀自滋孝武來  
用度常不足權酷奪人利取錢入官屋古今事相倍帝  
皇道難渡吾無奈爾何更盡杯中綠

射弩

蹙張見舊史強弩亦古官如何壯夫事今作儒者歡罰  
郡在僻左時清政多閑戎裝命侶作此開愁顏吳弩號  
健捷僕夫為吾彎正侯廢已久畫紙為雕盤日暈生幾  
重挂壁何團團記籌鼓聲急中的酒量寬誠非軍旅事

亦有堵牆觀安得十萬枝長驅過桑乾射彼老上庭奪  
取燕脂山不見一勾奴直抵瀚海還北方盡納款獻壽  
天可汗吾徒久不武干祿為饑寒所得斗升祿齷齪在  
朝班不如執戈士意氣登韓壇白玉鼓醉馳黃金鞍郡  
官一生俸供爾數月間儒將古前重料與  
誰知載章甫終老弄辛酸偶因兒戲為啼念○○○○○  
自慷慨素髮衝儒冠

黑雲裘

野蠶自成繭綠蜜為山紬此物產何許萊夷負海州一  
端重數斤裁染為褻裘守黑異華侈崇儉非輕裘柔燠香

則無取風雪曾何憂朝可奉冠帶夜以為衾裯晏嬰三  
十年庶幾跡相伴季子嘆貂敝吾服已為優不取狐貉  
者亦當師仲由况我屢遷謫行採耕歌謳映髮垂鷲頂  
植杖昂鳩頭袖寬可以舞老農即為儔不問銀臺門任  
爾爭封侯

聞鷓鴣有序

滁淮地也郡堞之上鷓鴣巢焉一求夕鳴嘯不已妻子  
驚死或終夜不寐因作詩以喻之徵前賢放逐而聞

是鳥者一摠而述之以見吾志

元精自萬彙羽族何茫茫為怪有鷓鴣為瑞稱鳳凰

鳳不時出未識五色章吾生在鄒魯風土殊遠方鳴鳩  
隨乳燕日夕巢我梁翩翩雜鳥雀遠屋率為常又從筮  
仕來五年居帝鄉更入承明侍宴出未央上林聞鶯轉  
巧舌如笙簧鷓鴣徒知名聞見實未嘗頃年謫商山聽  
之已悲涼今茲出內庭罰郡來永陽誰知爾鷓鴣營巢  
在城墻年加睡漸少秋盡漏且長鳴嘯殊不已歷々含  
微霜孺人泣我右稚子啼我傍吾心非達士詎免亦悵  
悵人生縱百歲忽若石火光其間有窮通幽昧難自量  
我愛臯與夔我冠虞舜堂簫韶聞九成丹穴來鏘鏘又  
愛閔與散陳力遇文王鸞鷲聽岐山多士周道昌嗟嗟

嘆賈誼年少謫南荒故有鵬鳥賦倚伏理甚詳郇公暨  
鄴侯放逐同一邦夜深聞此鳥韋公涕沾裳李侯舉酒  
令斯音非不祥坐客如不聞罰之以巨觴遂使惡鳥聲  
聽之靡所傷天寶中韋郇公謫守蘄州時李鄴侯亦以  
處士放逐因夜飲聞鷓鴣韋公泣下李侯  
曰此鳥人以為惡其聲可聽乃令坐客有不  
聞其聲者罰以大自由是聽之不厭贊皇貶袁  
州懷鷓鴣義亦減李太尉有  
懷鷓鴣賦乃知昔賢詰未免亦悽惶况  
予不肖者恩寵朝朝行報國唯直道謀身昧周防四年  
兩度黜鬢髮已蒼々雖得五品宦銷盡百鍊鋼何當解  
印綬歸田謝膏梁教兒勤稼穡與妻甘糟糠鳳來非我  
慶鷓集非吾殃優游盡天年身世俱可忘

甘菊冷淘

經年厭梁肉頗覺道氣渾孟春致齋戒勅厨唯素殮淮  
 南地甚暖甘菊生籬根長芽觸土膏小葉弄晴暎采采  
 忽盈把洗去朝露痕俸麪新且細漉漉如玉墩隨刀落  
 銀鏤煮投寒泉盆雜此青青色芳香敵蘭蓀一舉無子  
 遺空媿越盃存解衣露其腹稚子為我捫飽慚廣文鄭  
 饑謝魯山元廣文先生飯不足元魯山餓而死况吾草澤士藜藿供朝  
 昏謬因事筆硯名通金馬門官供政事食久直紫微垣  
 知制誥結政事食自小許公始誰言謫滁上吾族飽且温既無甘旨慶  
 焉用品味繁于美重槐葉直欲獻至尊事見杜工部起槐葉冷淘詩

予有遺韵甫也可與言

霑雨中偶書所見

丙申二月七是夕月離畢春雨忽霑霽春雨復濛密錦  
 綿殆三旬不見天上日謫官在淮甸幽抱常鬱：豈無  
 瑯琊山泥濘不可出空庭唯蚯蚓得勢互蟠屈乘茲積  
 陰氣小穴恣出沒山禽忽飛下長嘴啄深窟倒曳方力  
 爭強吞遽全失食土與巢林上下非儔匹胡然罹此酷  
 不能保微賈嗟嗟彼群小傾奪事匪一儀鳳九夷神龍  
 入泉室如何役吾眼瞻視此小物歸來因浩歎自悔成  
 詩筆

唱山歌

滁民帶楚俗下俚同巴音歲稔天時安春來恣歌吟接  
臂轉若環聚首叢如林男女互相調其詞事奔淫脩教  
不易俗吾亦弗之禁叶韻夜闌尚未闌其樂何惜惜用此散  
楚兵子房謀計深乃知國家事成敗因人心

訓楊遂

揚君江左士文律何飄飄人言未冠時作賦凌洞蕭甲  
科中南國江南狀元及第通籍趨東朝入中國為贊善軾軻位不進陶  
潛還折腰復為縣令宰邑向蜀道崔蒲忽興妖官小力不夫  
犇竄避槍刀朝廷貴守土黜入縣佐僚昨朝寫孤憤遺

我有客謠伊予亦左遷諷之心無慘人生一世間否泰  
安可逃始問道何如未必論卑高自古富貴者撩亂如  
藜蒿德業苟無取未死名已消豈期顏子淵不朽在一  
飄推此任窮達其樂方陶、達則為鷗鷺窮則為鷓鴣  
垂天與巢林識分皆逍遙

和楊遂賀雨

我罷內庭職出臨永陽民永陽民雖庶未免多饑貧富之既無  
術齷齪為謹身可堪今夏旱如燎復如焚厥田本塗泥  
坐見生埃氛稚老無所訴嗷、望穹昊食祿憂人憂蚤  
夜眉不伸但決獄中囚徧禱境內神楚辭有山鬼廟貌

羅水濱胡法有浮圖寺宇連城闔齋莊命僚家供給抽  
俸緡鼓笛迎秋水香花照金輪誠知非典故且慰旱暵  
人偶與天雨會霽霽四郊勻揮袂復脩堰野叟何欣  
可辦官賦調亦免農艱辛爨調賴時相感應由聖君於  
吾復何有敢望歌頌云清流揚水部德與我為鄰仇香  
官位屈何遜詩格新見投賀雨篇言自人口聞夫君蓋  
私我過實豈相親為霖非我事職業唯詞臣若有民謠  
起當歌帝澤春庶使採詩官入奏助南薰

民為霖

揚詩云願僕  
輯百福長與

王黃州小畜集卷之六

古詩

揚州寒食贈屯田張員外成均吳博士同年殿省

柳丞

前年寒食節待詔入內庭休假百官出獨掩深巖扁近  
侍不敢醉賜酒空滿瓶閑就通中正枕時聞索上鈴思入  
無何鄉兀然欲忘形去年寒食日滁上忝專城山歌喧  
里巷春物媚池亭永陽溪水綠瑯琊山色青謫宦自消  
遣不敢誇獨醒往々取官醞時々對花傾醉來念身世  
翻使淚縱橫今年蒞淮海時節又清明對案有留事聽

歌無權聲骨徒費簿領使客煩送迎控牢未空歇堪隸  
勞脩營衰病力不支懶慢性已成虛花滿雙目素髮添  
幾莖酒肴畧無味妓樂固難聽誰言寒食下終日取茶  
烹田屯布素交屈此關市征昔年同應舉典衣飛巨觥  
博士東觀客求官得步兵况且丹陛前同為出谷鶯殿  
丞尹我邑桑梓復弟兄吏隱掌齏茗終朝談道經三賢  
宴會少七夕休假并何不策我馬廢苑尋放螢何不蕩  
我舟樓臺訪謫星三春景欲盡九曲波始平居然逼吏  
役頓此阻交情老態厭春華病身憂宿醒如水若不改  
籍糟亦胡寧解印蓄素志吟詩丹露誠維揚非所愛有

便即歸耕

揚州池亭即事

冥心閱群動亦各趨所歡安胡為名利人戚常鮮歡  
吾年四十四結珮呼郎官掌言入綸閣待詔直金鑾匪  
謂得祿少所嗟行道難前年謫滁上州憂時雙鬢殘賴有  
琅琊溪時濯塵纓冠朝僉徙淮海任重力易殫君恩詎  
可報感激涕沆瀾民瘼不能治惻隱情悲酸况復多病  
身名宦心已闌歸田未果決懷祿尚盤桓公退何所適  
池亭一凭欄旭日媚春卉微風生鳴湍呵僮勿挾彈留  
客不持竿用冀魚鳥馴熙熙肆游觀神仙未可學吏隱

聊自寬孤吟刻幽石此義非考槃

一品孫鄭昱

鄭細元和申拜相至鄭昱六世矣

卜葬得假告南出安上門鞭馬六千里暮投中書村村

翁館我宿茅屋欲黃昏有客忽投刺自稱一品孫氣貌

不凡俗因為開酒樽坐久問家謀其族大且繁池州有

清節濫觴發洪源

鄭美天寶末山偽命是自

少不受祿

刺池州不赴任遂

隱居嵩洛土

最知最知

太傳擅鴻

筆入相又出藩

細元和申拜相又鎮

岑表終起撰碑

其家本開

封改號一何尊

細為祠鄉鳳池

至昱始六代帝大

老丘樊

細生祇祇德之子曰親中亭中太子太保頊子嚮太子少保

鳳乾

一品孫補太廟齋郎顯德元年終泌陽歸驢入府縣驅

犢耕郊原家廟固已毀國史空具存盛德百世著功

格乾坤高太已不祀羨細何足論况復起章句乘時寵

便蕃子孫雖陵替尚得守田園我愛三代時法度有深

根大夫稱家世世奉蘋蘩四民有定分宦路無馳奔

自從雜霸道傾奪日喧：脫來秉金鉞吮筆乘朱軒朝

榮又暮辱容易如掌翻古道不可復頽波益以渾何况

度木者倒著輪與轅我亦起白屋兩朝直紫垣蔭子有

官常賞延第與昆盡待食人祿將何報君恩農桑國之

本孝義古所敦吾族不力穡終歲飽且温雖非享富貴

又作大夫稱世宗世



亦以蠹黎元唐賢尚消歇我輩奚足言呼兒諷此詩播  
在麓與墳

鳳皇陂

次公治潁川仁政被一方神物不藏瑞茲焉集鳳皇在  
昔奏簫韶舜庭來蹕：西伯有至化亦見鳴岐陽仲尼  
豈無德已矣空悲傷夫何刀筆吏而能致殊祥我來過  
荒陂煙草但蒼：緬懷漢循吏史筆恐未詳

月波樓詠懷 并序

月波之名不知得於誰氏圖綴古老皆無聞焉因作古  
詩一章凡六百八十字陷於樓壁庶使茲樓之名與時

露抄閣書籍

前目不寫側注字

不泯也

郡城無大小雉堞皆有樓其間著名者不過十數州吹  
簫事遼夏仙跡難尋求庾公在九江締構何風流謝守  
鎮宣城疊嶂名有由東陽敞八詠吾聞沈隱侯白雪架  
郢中調高誰和酬黃鶴倚鄂渚仙去事悠悠贊皇謫滁  
上作賦懷嵩丘樓居出俗態澤國多勝遊好景不遇人  
安得名存留齊安古郡廢移此清江頭築城隨山勢屈  
曲復環周茲樓最軒豁曠望西北陬武昌地如掌天末  
入雙眸平遠無林木一望同離婁山形如八字會合勢  
相勾東晉方去戴洋言武昌有山無林山形八字勢不  
及九故孫權以黃武元年都武昌八年遷建業

江鄉歸氏藏本

林至全  
卷之九

三國事既遠六朝名亦休近從唐末來爭奪互仇讎斯  
樓備矢石此地控咽喉終朝望烽燧連歲事戈矛可憐  
好詩景牢落無人收

皇家統萬國遠邇盡

懷柔

三聖四十年蕩文德脩懷甸為內

地黃岡壓上游儒冠假郡印踐更若公郵况多辨職吏  
誰肯恣吟謳伊余何為者竊慕騷人儔兩朝掌文翰十  
年侍冕旒去歲出西掖謫居抱窮愁日日江樓上風物  
得冥搜何人名月波此義頗為優西南新挂魄初上懸  
玉鈎晚瀨清且淺漂蕩影沉浮三五金波滿夜光如暗  
投驪龍弄頷珠晃朗照汀洲澹臺披寶劔碎壁斬長虬

水輪曉入地推下赤金毬闌干四五星斜漢印清秋誰  
家上元燈兒盛菊蕊此景吟不出謾使聲啾啾千里  
圖畫濶四時詩興幽野花媚宮纈芳草鋪碧油火雲照  
沙浦暴雨傾瓦溝白亂蘆花散紅殷蕪穗稠簷水垂若  
綆雪片大於鷗江籬烟漠官柳雨颼舟子斜盪漿  
牧童倒騎牛水獺有時戲江豚頗能汨山鳥奏竽籟落  
霞展衾裯魚網雪離酒旗風颺旅懷雖自適詩物  
奈相尤右顧徐邈洞精靈知在不左瞰伍負廟荒隙令  
人羞樓中何所有官醞湛虬蟄碁枰留客坐琴調待僧  
抽橘芭鄰藥鼎斲筆間茶甌平生性幽獨寂寞誰獻酬

官常已三黜懷抱罹百憂凭欄憶王粲望闕同子牟自  
甘成潦倒無復事聲猷身世喻泡幻衣冠如贅瘤放意  
無何鄉誰分親與仇寓形朝籍中毀譽任啁啾君恩無  
路報民瘼無術瘳唯慙戀祿俸未去耕田疇題詩郡樓  
上含毫思夷猶功名非范蠡何必泛扁舟

十月二十日作

是日甚寒始有水

重衾又重裊蓋覆衰嬾身中夜忍涕泗無復及吾親須  
更殘漏歇吏報國忌晨凌旦騎馬出溪水薄潏路旁  
飢凍者顏色頗悲辛飽暖我不覺羞見黃州民昔賢終  
祿養往歸隱淪誰教為妻子頭白走風塵脩身與行

前日不寫注字

道多媿古時人

雷

商山春夏旱旱雷不降雨及秋又霖霖雷聲時一舉南  
山復北山礧礧若鬻虎君子容必變所以敬天怒無乃  
豐隆鬼恣意擗雷鼓此怒既非天敬之亦奚取

秋霖二首

秋霖過百日歲望終何如嘉穀就穗生茁茁垂青鬚宿  
麥未入土大田多泥塗河澗不辨馬原高恐生魚時政  
苟云失生民亦何辜雨若是天淚天眼應已枯  
山雲百日雨山水十丈波田疇與道路一夕成江河巨

石大於菟吹轉如蓬窠夏旱既損麥秋潦復無禾津梁  
盡傾壞商販絕經過斗米二百餘吾生將奈何安敢比  
夷齊愚聖不同科應如元魯山餓死深山阿元魯山山  
居阻水絕  
食而死

### 真娘墓

女命在於色士命在於才無色無才者未死如塵灰虎  
丘真娘墓止是空土堆香魂與臆骨銷散隨黃埃何事  
千百年一名長在哉吳越多婦人死即藏山隈無色固  
無名丘塚空崔嵬唯此真娘墓客到情徘徊我是好名  
士為爾傾一杯我非好色者後人無相咍

### 遊虎丘山

樂天曾守郡酷愛虎丘山一年十二度五馬來松關我  
今方吏隱心在雲水間野性群麋鹿忘機狎鷗鷗乘興  
即一到興盡復自還不知使君貴何似長官閑

### 吳王墓

惜哉吳王墓秦帝嘗開破應笑埋金玉千年賈餘禍不  
待虎迹銷已聞鮑車過又是驪山頭炎、三月火

### 橄欖

江東多果實橄欖稱珍奇北人將就酒食之先顰眉皮  
核苦且澁歷口復棄遺良以有迴味始覺甘如飴我今

何所喻、彼忠臣辭直道逆君耳斥逐投天涯世亂思  
其言臃臍焉能追寄語采詩官者無輕橄欖詩詞  
為惡

明時巧言士亂世佞倖郎佞倖惟苟且巧言頗包藏為  
惡雖不同同歸於覆亡

王黃州小畜集卷之七

律詩

成武縣作

釋褐來成武初官且自強位卑松在澗俸薄葉經霜雨  
茵生書案飢禽啄印床猶驚寫秋卷槐砌落花黃

寄碭山主簿朱九齡

忽思蓬島會群仙二百同年最少年利市襤衫拋白紵  
風流名紙字寫紅牋歌樓夜宴停銀燭柳巷春泥污錦韉  
今日折腰塵土裏共君追想好凄然

寄魚臺主簿傅鞠

無目

聽說魚臺景最奇，鮑參軍到語多時。時林法錄來自魚臺因言煙水之興  
故有此句天晴綠野懸魚網，木脫空城露酒旗。錦擲鮮鱗紅  
撥刺，雪翻寒鷺白。襍伊仍誇縣尹風騷，客應有秋來唱  
和詩。

寄寧陵陳長官

吏隱寧陵縣，琴堂枕古河。家山隔江遠，風雨過舡多。假  
日親尋藥，公庭自種莎。相逢如舊識，執手動勞歌。

寄金鄉張贊善

年少辭榮自古稀，朝衣不着著斑衣。北堂侍膳侵星起，  
南畝催耕冒雨歸。種竹野塘春筍脆，採蘭幽澗露芽肥。

伊予自是徒勞者，未得用尋舊釣磯。

赴長洲縣作二首

移任長洲縣，登舟興有餘。蓬蒿時見月，棹穩不妨書。雨  
碧蘆枝亞，霜紅蓼穗疎。此行紆墨綬，不是為鱸魚。  
移任長洲縣，辭親淚滿衣。折腰雖未免，搔首欲何歸。曉  
月霜華重，晴山粟葉飛。江頭鷗鷺在，應恠不忌機。

惠山寺留題

吟入惠山山下寺，古泉閑挹味何嘉。好拋此日陶潛米，  
學煮當年陸羽茶。猶負片心眠水石，畧開塵眼識煙霞。  
勞生未了還東去，孤棹寒篷宿浪花。

遊虎丘山寺

寺墻圍着碧孱顏曾是當年海湧山  
盡把好峯藏院裏不教幽景落人間  
劍池草色經冬在石座苔花自古斑  
珍重晉朝吾祖宅一迴來此便忘還

寄獻潤州趙舍人

二首

南徐城古樹蒼蒼衙府樓臺盡枕江  
甘露鐘聲清醉榻海門小色滴吟窓  
直廬以負題紅藥出鎮何妨擁碧幢  
聞說秋來自高尚道裘筇竹鶴成雙

記言彩筆罷摘華郡閣高閑似道家  
琴院坐聽江寺磬詩樓吟見海山霞  
春園遺母親燒筍夜榻留僧自煮茶

應笑陶潛未歸去折腰奔走在泥沙

寄毘陵劉博士

毘陵古郡接江堧赴任琴書共一船  
下榻且尋甘露寺到城先問惠山泉  
秋蟾吐檻供吟興野鶴隈床伴醉眠  
官散道孤詩筆老不應雙鬢更皤然

謝崇侍御送鶴

兩朵春雲墮世間霜臺乞與縣僚看  
骨含仙氣生來瘦羽挿天風過處寒  
淚別繡衣聲寂寞舞隨藍綬意闌珊  
今朝窓外頻相顧應怪頭無獬豸冠

官舍書懷呈羅思純

同年事分幾般同墨綬逶迤一郡中仙桂並枝攀月魄  
縣花交影笑春風分莎種就尋僧逕借竹編成養鶴籠  
公暇不妨閑唱和免教來往遞詩筒

除夜寄羅評事同年 三首

歲暮洞庭山知君思浩然年侵曉色盡人枕夜濤眠移  
棹風搖浪開窓雪滿天無因一乘興同醉太湖船  
除夜在天涯共君同憶歸夢中傾壽酒堂下著斑衣臘  
雪通宵舞梅花到處飛更堪洞庭宿愁思倍依依  
郡僚方賀正獨宿太湖稜堦下羞為吏船中祇載僧折  
梅和薄雪煮茗對孤燈應笑排衙早寒靴踏曉水

陸羽茶泉

甃石封苔百尺深試茶餘嘗味少知音唯餘道半夜泉中月  
留得先生一片心

投崇殿院 三十韻

南面修文德東吳納土疆蒼生思撫育丹詔擇循良烏  
府官新轉龍頭挂舊香渡江驄馬瘦垂地繡衣長綸閣  
材知屈蘇臺俗必康恩流一車兩威凜栢臺霜休假尋  
山寺行春泊野塘白公是前政魯望有維桑求瘼心雖  
切願神道堂妨煎茶虎立井搗藥木蘭堂筍蕨供家饌  
園林著道裝繁節教學舞收橋待僧嘗迎使朝衣穩娛



賓綺席張犬聲銷巷陌鶯舌動笙簧冷句題秋葉孤琴  
貯夜囊歌樓寒月白飲舫晚波涼官業除奇法家風襲  
雅章致兵部員外自牧之冠危肅物象簡醉橫床熊  
軼淹寧久鼇頭譽轉芳南園休命侶北闕即徵黃清貴  
容誰見遭逢合自強字人叨屬邑畏德每循牆名品知  
懸隔孤危俟薦揚折腰休太息青眼異尋常岱岳容秦  
石滄溟納濫觴扶搖如借便羽翼必高翔從事員多闕  
徒勞跡可傷金臺雖載築珠履未成行始魏前言在依  
劉後進光免教青史上獨美一燕王

東隣竹

東隣誰種竹偏稱長官心月上分清影風來惠好音抵  
枝疑見接近筍似相尋多謝此君意墻頭誘我吟

南園偶題

天子優賢是有唐鑑湖恩賜賀知章他年我若功成去  
乞取南園作醉鄉

戲贈嘉興朱宰同年

縣前蘇小舊荒墳應作行雲入夢頻猶勝白公尉盤屋  
庭花剛喚作夫人朱未

春日官舍偶題

薄宦若流離壯年心已衰鶯花愁不覺風雨病先知曉

月晃竹屋寒苔疊  
槿籬無人慰幽寂  
庭柳自低垂  
寄獻翰林宋舍人

金鼎鹽梅偶未和  
位高猶說野情多  
宮牆月上開琴匣  
道院風清響藥蘿  
留客旋燒含露筍  
倩僧教種耐霜莎  
孤寒知有為霖望  
未忍江頭釣綠波

吳江縣寺留題

松江江寺對峯巒  
檻外生池接野灘  
幽鷺靜翹春草碧  
病僧閑說夜濤寒  
晨齋施笋惟溪叟  
國忌行香抵縣官  
盡日門前照流水  
塵纓渾擬濯沈瀾

獻轉運使雷諫議二首

當年辭氣壓朱雲  
老作皇家諫諍臣  
章疏罷封無事日  
朝廷猶惜直言人  
題詩野館光泉石  
講易秋堂動鬼神  
棘寺下僚叨末路  
齊心唯願秉陶鈞

江南江北接王畿  
漕運帆樯去似飛  
父子有才同富國  
君王無事免宵衣  
屏除姦吏魂應喪  
養活疲民肉漸肥  
還有文場受恩客  
望塵情抱倍依依

時諫議子有終為淮南轉運

羅思純鶴斃為四韻吊之

雪乾未澹頌仙姿  
千歲無徵事可悲  
埋瘞肯饒鸚鵡塚  
飛鳴不到鳳凰池  
遺翎尚在飄松逕  
舊跡猶存傍槿籬  
應得羽人尸假術  
夜來何處咏靈芝

即席送許製之曹南省元袞

梅爛荷園六月天歸帆高背虎丘煙到時自是成行鴈  
別處休聽滿樹蟬賣劍為賒吳市酒攜家猶借洞庭船  
待看春榜未江外名占蓬萊第幾仙

中元夜宿餘杭仙泉寺留題

祭廟回來畧問禪時以歲早山廟祈雨退宿于寺蘇墻莎迳碧山前風  
疏遠磬秋開講水響寒車夜救田藍綬有香花蓋菖竹  
窻無寐月婵娟自慚政術貽枵早忍臥松陰漱石田

贈草庵禪師

陽山陽山一名餘杭山下草庵深寂寂香燈對遠岑莫恠相看

陽山餘杭山

搃無語坐禪為政一般心

言懷

宦途日日與心違人事紛紛任是非却為遊山置行李  
漁家船舫道家衣

題響霖廊壁

廊壞空留響霖名為因西子逸廊行可憐伍相終朝諫  
誰記當時曳履聲

中秋月

何處見清輝登樓正午時莫辭終夕看動是隔年期冷  
濕流螢草光凝宿鶴枝不禁雞唱曉輕別下天瀟

贈採訪使閣門穆舍人

經畧十三州東南帝不憂二年辭玉砌幾夜夢珠旒旌  
節雖遐遠江山是勝遊風謠隨處採民瘼盡心求報國  
機鈴密供吟景象幽煮茶溪畔寺望月海邊樓步武思  
龍尾琴書在鷁舟聽泉調玉軫拂石試銀鈎古畫多收  
買新詩寡和酬酒醒聞瀑響睡起見潮頭奉使時將久  
歸朝禮必優一麾先出守萬戶待封侯遇主當宜貴遺  
材亦合收此身居下位無路畫良籌已悔田園廢堪驚  
鬢髮秋憑誰念寒若祇自擬歸休僻甚陶元亮貧過魯  
仲由品題殊不濫清濁肯同流復命期三接陳詩說四

愁薦雄如有便還解殺身酬穆好琴頌善書札

泛吳松江

葦蓬疎薄漏斜陽半日孤吟未過江唯有鷺鷥知我意  
時。翹足對船窓

獻轉運副使太常李博士

和計動宸衷時賢蒞浙東量寬吞渤澥氣直凜崆峒博士  
人捧詔瑤墀下辭班玉筍中饋糧蕭相國制禮叔孫通

舉措敦儒行談諧有古風冀方思舊政博士前理冀人懷之江

表停成功吏畏嚴霜白民歌愛日紅勤王雖運智修道

豈妨公旋種煙莎遙閑科雨竹叢養成丹頂鶴瘦盡雪

花驄移石情無倦抄書俸不充晨餐燒露筍秋句寫霜  
楓棊閣連花塢書窓映燭籠僧傳栽樹法客獻通詩筒  
飲酒螺為盞吟舟葦作篷按琴苔院冷搗藥月堂空清  
白成家計操修達聖聰即徵歸象闕清秩剋鷺鴻

蘇州寒食日送人歸覲

江城寒食下花木慘離魂幾宿投山寺孤帆過海門蓬  
聲潑火雨柳色禁煙村定省高堂後班衣減淚痕

春晚遊和宮

數里新萍夾岸莎春來乘興宿煙蘿隨風蝴蝶顛狂甚  
當路花枝採折多絳節參差抽苦筍翠鈿狼籍撒圓荷

湖山滿眼不歸去空羨漁翁雨一蓑

再泛吳江

二年為吏任江濱重到江頭照病身滿眼碧波輸野鳥  
一簑疎雨屬漁人隨船曉月孤輪白入座晴山數點春  
張翰精靈還笑我綠袍依舊惹埃塵

筍三首

數里春蹊獨自尋逆犀抽錦亂森森田文死去賓朋散  
拋擲三千玳瑁簪  
綠玉修修冷罩煙一溪春露洗婍娟不知徐福歸何處  
卅女童男泣海田

一夜春雷起舊根  
亂披烟籜出溪門  
稚川龍過頻回首  
認得青青教代孫

官舍書懷呈却守

年來潘令鬢初凋  
瘦馬青衫恥下僚  
藥債漸多醫宿疾  
官情猶切戀明朝  
空江梅雨添幽鬱  
古縣槐花鎖寂寥  
賴有却侯知己在  
每憐憔悴賞金貂

贈母中舍

嶺表榆關路嶮巖  
頑條持節兩無辭  
四方自是男兒事  
萬里歸來聖主知  
中舍嘗使入蕃又連收嶺外二郡由是知名  
磧雪舊行閑  
入夢貪泉曾飲別  
留詩如今已見功名立  
休憶當年一

桂枝

贈贊寧大師

詔修僧史浙江濱  
萬卷書中老一身  
赴闕尚留支遁馬  
援毫應待仲尼麟  
溟濛雪影松窓曉  
狼籍苔花竹院春  
還許幽齋暫相訪  
却慙陶令滿衣塵

題錢塘縣羅江東手植海棠

江東遺跡在錢塘  
手植庭花滿院香  
若使當年居顯位  
海棠今日是甘棠

武平寺留題

縣齋東面是禪齋  
公退何妨引鶴來  
長愛座中如洞府

却慙衣上有塵埃竹聲冷撼秋窓雨山影青籠曉院苔  
最憶去年飛雪裏煮茶煨栗夜深迴

贈湖州張從事

前年春榜亞龍頭詞賦曾推第一流上直未歸紅藥院  
供吟先得白蘋洲酒醒野寺烹山蕨公退溪亭狎海鷗  
自是吳門折腰吏滿衣塵土為君羞

送李中舍罷蕭山赴闕

吏隱江東五六年歸時猶戀好山川野僧送別携詩句  
瘦馬臨歧當酒錢吳苑醉逢梅弄雪隋堤吟見柳垂煙  
自言更共秋濤約未捨西興一釣船

寄主客安員外十韻

罷即歸蘭省還愁到帝鄉趨朝騎瘦馬賃宅住閑坊命  
服紆傳春草吟髭鑷夜霜有心憶雲水無語狎班行藥債  
今年欠文編滿篋藏教先誦詩賦倩客賣囊裝尋寺誰  
同步留僧自拂床舉公投卷軸時相覓文章窮達君雖  
了沉淪我亦傷何當昇大用吾道始輝光

和郡僚題李中舍公署

樹影池光映曉霞綠楊陰下吏排衙閑拖屐齒妨橫筍  
靜拂琴床有落花地脉暗分吳苑水厨煙時煑洞庭茶  
青宮詞客多閑暇按曲飛觴待歲華

送奉常李丞赴闕

江城方話舊捧詔去長安宦路相逢少鄉情叙別難煙  
波迷曉渡風雨動春寒初夏應迴首重期看牡丹

題張處士溪居

雲裡寒溪竹裏橋野人居處絕塵囂病來芳草生漁艇  
睡起殘花落酒瓢閑把道書尋晚逕靜携茶鼎洗春潮  
長洲懶吏頻過此為愛盤餐有藥苗

初拜拾遺遊瓊林苑

關宴曾遊此綴行五年為吏別仙鄉杏園鶯蝶如相識  
應怪重來舊綬香

館中春直偶題

御柳差差拂禁牆非才何事直仙鄉坐聞雞唱皇宮近  
睡枕魚須白日長簾挂蘇庭微雨霽硯添桐井落花香  
春風老盡詩情淡翻卷青編獨繞廊

寄贄寧上人

時上人進新修高僧傳有詔赴闕

支公兼有董狐才吏傳脩成乙夜開天子遠酬丹詔去  
高僧不出白雲來眉毫久別應垂雪心印休傳本似灰  
若念重瞳欲相見未妨西土一浮杯

歲暮偶書寄蘇臺舊僚友

吳門吏隱過三年何事陶潛捧詔還步武已趨龍尾道



夢魂猶憶虎丘山  
花開茂苑誰同醉  
雪滿梁園獨掩關  
會待他年求郡印  
劍池重遶碧潺湲

朝退偶題

吏隱金門祇便閑  
退朝窮巷懶開關  
經年不到公卿宅  
五日空隨侍從班  
禁漏出花寒歷歷  
御泉通市細潺潺  
功名未立年猶少  
爭忍携琴去舊山

送王司諫赴淮南轉運

白獸樽前侍玉除  
暫分和計別宸居  
映淮風月供吟筆  
拱極星辰伴使車  
別岸酒醲桑葉落  
野亭霜薄菊花疎  
東南莫作三年調  
紅藥香繁在直廬

送郝校書從事相州

提筆從戎別帝鄉  
官清兼領校書郎  
將軍幕下紅蓮媚  
詩客袖中丹桂香  
吟倚旌旗春過雨  
醉聽刁斗夜含霜  
金臺莫作多時計  
非久應歸振鷺行

獻僕射相公二首

罷調金鼎道光輝  
聞說閑園自種薇  
書院日斜春睡覺  
沙堤人靜早朝歸  
吟穿竹筵僧同步  
醉遶花庭蝶上衣  
却恐優游未終歲  
台星依舊照黃扉

五年黃閣掌陶甄  
憂國翻成兩鬢斑  
初到廟堂溫樹冷  
暫收霖雨岳雲閑  
春園頌鶴尋芳草  
小閣留僧畫遠山

惟有門生若求見竹齋花院一開闔

賀李宗諤先輩除校書郎

秘省官清任帝鄉風原是狀元春來春榜探花郎未吟紅藥歸西掖

且著青衫侍北堂射策更期揮健筆騎驢猶得醉閑坊

同年佐邑應相羨衣上芸香雜桂香

送夏侯正言襄陽迎親

蘭省方讎乙夜書襄陽迎侍斿脂車揮毫偶未歸綸閣

衣錦何妨奉板輿峴首碑前留鳥足鹿門山下宿僧居

漢臯游女曾相識應解鳴璫換佩魚

送鞠評事宰蘭溪

東下蘭溪數十程幾多山水入圖經科名舊捷仙人桂  
縣界遙看婺女星琴院靜籠江樹綠勅樓高對海峯青  
山中吏隱無嗟嘆百里封疆似畫屏

送查校書從事彭門

佐幕徐方髮未秋官昇雲閣更風流姓名舊在鸞邊榜

詩什重題燕子樓漸有俸錢供藥債應無歸夢到漁舟

公餘時上臺頭寺珠履金貂共勝遊曹侍中為徐帥

送史館趙寺丞出宰咸陽

縣連秦漢舊離宮分付詩人勝武功帶職遠辭書殿去

攜家深入畫圖中庭莎曉潤終南雨檻竹寒搖渭水風

百里封疆三館客折腰休歎似陶公

送田舍人出牧淮陽

藥樹吟多且握蘭藹然公議滿朝端西垣罷直蒼苔冷  
南郡行春綠野寬脩飾出過應曜墓棠陰潛上伏羲壇  
鄉心休夢峨眉雪會顧青蒲憶史丹

送羅著作奉使湖湘

使星驛次入長沙曉別延英去路賒數刻漏中承密旨  
幾重湖外奉皇華山行馬拂湘川石寺宿僧供岳麓茶  
迴日期君直西掖當堦紅藥止開花

送夏侯正言奉使江南

百舌闌：麥壠青遠山迎馬翠如屏禁中已誦相如賦  
江外猶看使者星衣拂茶煙尋水寺枕欵梅雨泊沙汀  
歸期莫過中秋節侍宴甘泉月滿庭

送館中王正言使交趾

乘輅南下興何長大半江山是故鄉蠻府好迎天上使  
朝賢不為橐中裝犀牛出水挨銅柱颯母扶空卸海樁  
復命丹墀經歲北門西掖待翱翔

七夕應制

斜漢橫空瑞氣浮橋邊烏鵲待牽牛長生殿冷時無事  
乞巧樓多歲有秋菡萏晚花清露濕嬋娟新月暮煙收

華封禱祝華胥夢誰道神仙不可求

送榮郎中使高麗

初過清明野色繁柳花榆莢撲軺軒中臺應宿郎官貴  
外國占星使者尊海水無波分島嶼扶桑見日認藩垣  
東夷休請蕭天子好把詩書問狀元

送羅著作兩浙按獄

著作嘗宰蘇州吳縣

使印星車遠舊遊陶潛今日在瀛洲科條盡曉三千罪  
囹圄應空十二州舊綬有香籠驛馬皇華無暇狎沙鷗  
歸來重過姑蘇郡莫忘題名向虎丘

賀溫止言賜茶

密疏封來乙夜看延英召對議安邊榮頒紫綬同三品  
舊賜朱衣未一年白獸捧樽斟御酒金魚垂鬣惹爐烟  
從今便有公卿望休夢天台瀑布泉

送光祿王寺丞通判徐方

通倅徐方舊綬新老采衣服暫離身家君蓮幕開廳事

少儀丈人頃年載筆徐方訪聞今通判

府帥金貂耀緡

紳戲馬臺荒春寂寞斬蛇鄉古樹輪囷公餘應得吟滋  
味好寄西垣寓直人

謝同年黃法曹送道服

鮑昭昭我羽人衣下直何妨盡日披老去自堪將野鶴

客來休更佩金龜官供謾說青綾被漢尚書郎更直建禮門給青綾被今  
西掖之任私便全勝白接羅未脫朝簪戀明主耿懷空作謝  
君詩

送馮學士入蜀

錦川宜共少年期四十風情去未遲  
蚕市夜歌歌枕處峨嵋春雪倚樓時  
休誇上苑吟紅藥多羨乘輅聽子規  
莫學當年杜工部因循不赴海棠詩

賀將作孔監致仕

泣辭明主挂冠簪便約幽雲老舊林  
朝請罷來頻典笏田園歸去只携琴  
焚香靜院當山色賜藥空庭避竹陰

一子得官三品祿未饒疎傳有黃金

和陳州田舍人留別五首

死立分理藉賢明暫輟詞臣撫百城  
職罷掖垣人共惜即連京輔自為榮  
休吟紅藥堦前色且聽長淮枕上聲  
駐馬都門相別處柳黃莎碧上林鶯

東風初暖酒難銷五鳥行春罷起朝道  
畔棠陰同召伯堦前棠蔭別唐堯  
下車正是嘗新筍得句何妨寄舊僚  
預想即齋公宴處桃花凝露柳垂條

演綸多暇每封章暫去頌條道更光  
即吏好排紅粉妓使君曾是紫薇郎  
即樓臺有月新詩出因圖無人綠草長

地接清淮足佳致水村煙塢似漁鄉  
淮陽水綻柳條新風物眩妍工俗淳捧詔暫辭雙闕路  
勸農深入四郊春茶煙靜拂聽琴鶴穀雨輕籠鋤麥人  
贏得褰帷恣吟興落花飛絮滿車茵  
頌條京輔近吾君政術高於乃信臣道服日斜披鶴氅  
藥畦春暖步龍鱗歸朝莫指三年調化俗應蘇一郡人  
願作淮陽去思頌與君刊石慰陳民

送密直溫學士西京遷葬

錦衣西去道何光卜葬伊川舊釣鄉  
留守開筵親舉白故人垂淚看焚黃  
重尋泉石應多感旋挿松楸未著行

一月歸程如有暇雲間時到讀書房

寄田舍人

出處昇沉不足悲羨君操履是男兒  
左遷即印辭綸閣直諫書囊在殿帷  
未有僉諧徵賈誼可無章疏雪微之  
朝行孤立知音少閑步蒼苔一淚垂

送趙令公西京留守

勲業與誰同蕭何第一功兩朝行直道  
萬國變淳風微恙妨三接辭榮動四聰  
白麻宣上閣清路守離宮讓表迴宸翰  
辭朝泣舜瞳對深移五刻官重帶三公  
鳳洛荀池煖龍蟠洛邑雄位尊非借寇  
神爽近維嵩尊騎香塵

細有與曉霧籠下車鷓鴣語開宴牡丹紅温樹深巖夢  
甘棠蔽蒂叢趨庭採蘭子投刺如芝翁廣化如靈鷲天  
津似綵虹先皇陵樹老白傳影堂空春饌思山蕨秋屏  
畫水渙御泉通解宇禁柳映簾櫳元老優游盛明君春  
注隆更須歸相府特地代天工永佐千年運重頒九錫  
弓不同催四入正在亂離中

送同年劉司諫通判西都

元老留司卧維陽諫官通理輟駕行仲宣舊佐紅蓮幕  
裝度新開綠野堂幾處古碑停馬讀到時春筍約僧嘗  
香山居士真容在為我公餘奠一觴

賀范舍人再入西掖

再入承明舊直廬腰間仍得佩金魚舍人前在綸閣猶是未綬重批  
漢武求賢詔曾上東方自薦書舍人早歲自諫垣上書自北東方朔遂入閣下  
紅藥篇章應感動紫泥封檢未生疎樊川杜曲休勞夢  
日日延英侍除王舍人前自綸閣出知永興故有樊川杜曲之句

閣下詠懷

正向承明戀直廬年來華髮已侵梳子年三十八始見白髮官清  
自比乘軒鶴心小還同畏網魚西掖永懷王閣老故侍  
即王甫入西掖三十餘年北門堪嘆扈尚書故承旨扈  
屬續之際方有貳卿之命  
三十年不能引退以至老病會當辭祿東陵去數畝瓜  
不任宿直始有上卿之命

田一柄鋤

閣下暮春

詔書稀少日何長  
閑枕通中睡一場  
院吏報來丞相出  
紫微花影上東廊

舍人院竹

封了詞頭遠砌行  
此君相伴最多情  
西垣不宿還堪恨  
羣負夜窻風雨聲

省中苦雨二首

霏、連晝復連宵  
紅藥苔蒼也寂寥  
惟有御溝堤畔柳  
拂簷遶檻不勝嬌

醉鬼吟鬼共悽、簷溜窻風冷切肌  
階下怒蛙休跳躍  
浮雲遮日不多時



王黃州小畜集卷之八

律詩

初出京過瓊林苑 已下謫商州作

忽憶今春暮宮花照苑墻瓊林侍游晏金口獨衰揚立

何勾陳內宣來帝座傍丁寧問年紀委曲叙行藏屏息

聞天語醜顏醉御觴近臣多健羨睿眷豈尋常 已上並叙淳化

二年三月 中寔事 歲事誰能及非才自不違厚恩難負荷薄命

果譴張得罪縻山即攜家出帝鄉何時重到此駐馬淚

浪

中年縣旅舍喜同年高紳著作見訪

是時紳將命集津權不期

江鄉歸氏藏本

而會至却却  
方始分手

右縣日初沉軺車忽見尋不將遷客累方認故人心無  
酒銷寒漏挑燈聽遠砧陝却十里路並纏未妨吟

鄭州與張秉監察聯句時秉知州來訪逆旅與紳  
同飲因成一絕高作小叙

不載  
於此

函關秋霽雁初迴六里商於晚色開東四皓有靈應笑  
我謫官方始入山來禹偁

### 滎陽懷古

紀信生降為沛公草荒孤壘想英風漢家青史緣何事  
却道蕭何第一功

### 過鴻溝

侯公緩頰太公歸項藉何曾會戰機只見鴻溝分兩界  
不知垓下有重圍危橋帶雨無人過敗葉隨風傍馬飛  
半日垂鞭念前事露莎霜樹映斜暉

### 旅次新安

遷客下離群秋砧不忍聞回頭戀紅藥失脚下青雲尚  
假金貂冕猶殘柱國勳此身未敢死會擬報明君

### 硤石縣旅舍

霜乾紅葉飛遷客思淒、處險人垂瘵登山馬踞蹄籬  
荒荻韻苦雲凍鴈行低此夕應無寐何煩報曉鷄

稠桑坡車覆  
稠桑坡險忽催車  
悔帶儒冠出敝廬  
已被文章相錯悞  
謫官猶載一車書

閩鄉旅夜

行盡兩京路將登六里山  
全家空灑淚知是幾時還

初入山聞提壺鳥

時秋暖此鳥忽聞

遷客由來長合醉不煩幽鳥道  
提壺商州未是無人境  
一路山村有酒沽

聽泉

平生詩句多山水謫宦誰知是  
勝游南下閩鄉三百里

泉聲相送到商州

初到商州館於妙高禪院佛屋壁上見草聖教行

讀之乃數年前應制所作皇帝詠貢士詩思追

前事感而成章

應制詩篇對玉除是誰傳寫到商於  
昔從黨莢塔前作  
今向蓮花座畔書  
商嶺未甘隨綺季  
漢庭曾忝用相如  
山僧莫恠頻垂淚  
乍別承明舊直廬

謫居感事

一百六十韻

遷謫獨熙熙襟懷自坦夷  
孤寒明主信清直  
上天知消息還依道生涯  
只在詩惟當喻山木  
詎敢詠江蘿  
偶歎

皇字与初字並

勞生事因思志學時讀書方覩與下筆便搜奇賦格輟  
鸚鵡儒冠薄鷄鷄耕桑都不事園井未曾窺必欲縑緇  
富寧教杼軸純光陰常斲、交友盡德、步驟依班馬  
根源法孔姬收螢秋不倦刻鵠夜忘疲流輩多相許時  
賢亦見推叨榮借計吏濫吹謁春司僕瘦徒中病驢寒  
雪裏騎空拳入場屋拭目看京師技癢初調箭鋒銘欲  
試雖甲科登漢制太平興國五年內殿識堯眉教刻愁  
脯矣三題亦勉之先鳴翰俊彥上第遂參差罷舉身何  
託還家命亦奇惟慚親倚戶敢望嫂停炊竭力求甘旨  
終朝走路岐貪希仲由米多廢董生帷丹桂何時折孤

蓬逐次移知憐無國士志氣自男兒季子貂裘傲狂生

刺字隳廣場重考覆蹇步載驅馳明代寧甘退青雲暗

有期禮闈冠多士八年予忝春官首為御試拜丹墀澤霧寧慚豹

搏風肯伏雌重矐念孤跡一第忝鴻私得告還鄉貴除

官佐邑卑折腰稱小吏矩步慎初資予解褐得主簿枳棘心何

恨松筠操自持及親家有養事長禮無虧銅墨官常改

煙霄雨露垂縣花聊主管寺棘且羈縻予九年授大理評事知蘇州長

洲縣吳郡邑小側長洲巨海湄萬家呼父母民間多呼

母百里撫惇嫠敢起徒勞嘆長憂竊祿嘆官途甘碌、

官業亦攷、政事還多暇優游甚不羈村尋魯望宅寺

認館娃基甫里有陸魯望宅西子留香逕吳王有劍池

採香逕在靈巖寺狂歌殊不厭酒興最相宜草織登山

履蒲紐平挽紡挽絞也果酸嘗橄攬花好挿薔薇震澤

柑包火松江繪綾絲三年無異政一篋有新詞多戀南

園臥蘇州南園最為勝境俄從北闕追蘇州四年予奉使召赴闕呈材真樸橄

召對立茅茨載筆居三館登朝忝拾遺紫泥天上降朱

紱御前披侍從殊為貴圖書頗自怡史才愧班固諫筆

謝辛晁擬把微軀殺慙將厚祿尸安邊上章疏瑞拱三

官各言邊事因上封章極言為上容納瑞拱獻箴規予初拜拾遺即上諫精

鑒逢英主知憐是首揆子論邊事特為賡歌才不稱崇

詔筆難撓是歲蒙上召予殿上作制曆多無事閣下有

直舍人如無除詞頭每怯逢繁陰温室樹清吹萬年枝

青鬣霞光透蒼苔露片萎御香飄硯席宮葉落纓綵看

浴池心鳳閑門殿角螭上林花掩映仙掌露淋漓對近

瞻疏冕班清辟虎貌宮簾垂翡翠御水動連漪紀號年

淳化朝元日建寅音移攝官捧寶冊淳化元年立止伏別

冊王寶祝壽執樽彛表案行低折時予又押宮懸聽肅

祇德音王澤潤是日德謙柄斗杓搗時上省貴接臯夔

步深窺龍鳳姿策勲何烜赫賜紫更萎蕤是歲加柱國

紫蚊力山難負鵜梁翼易滋論功慙八柱受服欲三褫

祇慮殃將至曾無事可禳趨朝空俯偃退食自逶迤更

直當春好橫行隔宿宮每休暇三日後謂之橫行內朝

長得對駕幸每教隨瓊苑觀雲稼金明閱水嬉賞花臨

鳳沼侍釣立魚坻拂面黃金柳酖顏白玉卮分題宣陰

韻每應制賦詩翻勢得仙棋上嘗賜兩制棋勢圖一曰

三曰海底取明珠四曰竟舉窺天管爭燃煮豆蕪恨無

才應副空有表虔祈每有御製詩韻難并新恭勢圖

春偏稱賞天顏極撫綏中官賜文字兩制每賜御詩皆

院吏捧巾恭遭遇誠堪惜功名竊自思請纓無壯志視

草亦胡為未獻東封頌空鑄北岳碑淳化元年奉勅重

深慙專俎豆長欲議邊陲但可懷驕子何須斬谷蠡胸

中貯兵甲堂上有熊羆成敗觀千石施張在四維兼磨

斫佞劍擬樹直言旗已上蓋言予遇事難緘默平居疾

嗟吁無權逐鳥雀俛首任狐狸廷尉專刑戮以制語舍

事詞臣益等衰五花儀久廢故事舍人五花判三尺法

聊施書命猶無諂予在閣下草詞多不虛評刑肯有欺

厚誣凌近侍內亂疾妖尼告徐騎省丹筆當無赦金

科了不疑非章期悟主引法更防誰萋菲終無已雷霆

遂赫斯如弦傷許直投行覓瑕疵眾鏢金湏化郡排柱

不夫佞權迴北斗詭舌簸南箕闕下羊腸險朝端龍尾

危道孤貽衆怒青俸薄賴宸慈西掖除三字南山佐一麾  
蒼黃塵滿面揮灑涕交頤目斷九重闕魂銷八達尊  
親遠扶持兄弟盡流離秦嶺偏峻絕商於更險巖吾廬  
何處是我馬忽長辭六里山蒼翠丹河浪渺瀰分封思  
衛鞅割地憶張儀懶讀三閭傳空尋四皓祠會煙濃似  
瘴松雪白如梨壞舍床鋪月寒窓硯結漸振書衫作拂  
解帶竹為梳呼僕泥茶灶從僧借藥篩鍾愁上寺起角  
怨水門吹上寺在州北舊友誰青眼新秋出白絲予到  
始有煙嵐晴鬱、風雨夜颼、我過徒三省吾生自百  
罹初來聞旅鴈不覺見黃鸝市井攜山菜房廊蓋木皮

商州民多以木皮苫屋 野花紅爛熳山草碧攤攤不副使官資冷商

州酒味醜尾因求食掉角為觸藩羸有夢思紅藥無心  
採紫芝瘦妻容悴戚稚子淚漣沍暖怯地穿壁昏憂虎  
入籬松根燃夜燭山嶽助朝飢堂獨堂虧養還憂地乏  
醫跡飄萍渤澥親老日崦嵫閣下辭巢鳳山中伴野麋  
風欺秀林木雲隔向陽葵屈產遭驚馬丹山困嚇鷓悔  
須分黑白未本合混妍媸自此韜餘刃終當學鈍鎚窮道  
皆有教得喪又奚悲自顧才何者空憐道在茲宣尼猶  
削伐大雨亦胼胝用去當如虎投來且禦魑避風聊載  
翼得水會揚鬢禁酒圖三樂詩章効四維白公有魚鬚

從典賣貂尾任傾欵兀：拖腸鼠悠：曳尾龜北窓尋  
蛺蝶南岸看鸕鷀州之南丹山翠樓頻上雲生杖獨撐  
簾閑留晚魄蒼暖負冬曦松栢寒仍翠瓊瑤澗不緇望  
誰分曲直祇自仰神祇吾道寧窮矣斯文未已而狂吟  
何所益孤憤洩黃陂

傲惟詩

到商州教日馬死

謫官那堪嘆傲惟承明寓直教年騎滿階紅藥曾嘶處  
六里青山忽斃時駿骨欲埋金價直的顛猶愛雪離披  
貳車謾道貂冠貴從此徒行奉一麾

和馮中允仙岷峰

熊耳如當出檻熊仙姿孤秀塵諸峰採芝遁客憐貞質  
化石佳人妬麗容身上霓裳慵整頓天邊華蓋會裁縫  
嫦娥月裏休相笑萬古應無竊藥蹤

龍鳳茶

樣標龍鳳號題新賜得還因作近臣烹處豈期商嶺水  
碾時空想建溪春香於九畹芳蘭氣圓似三秋皓月輪  
愛惜不嘗惟恐盡除將供養白頭親

元日作

獻歲在商州依然想舊遊前年捧玉冊此日對珠旒御  
酒堯樽畔仙韶舜殿頭自慚非賈傳宣室詎重求



急就章

賜來三載錦囊盛今日重看倍覺崇元白當時皆謫宦  
不聞將得御書行

御書錢

謫宦無俸突無煙惟擁琴書盡日眠還有一船勝趙壹  
囊中猶貯御書錢

上元夜作

去年正月十五夜乾元門上奉乘輿今年正月十五夜  
商洛郡中為貳車謫宦門欄偏冷落山城燈火若蕭疎  
爐灰畫盡不成寐賴有逍遙一帙書

仙娥峰

窈窕奇峰疊石苔望秦嶺外勢徘徊巨靈非足休期刻  
毛女為隣合往來傳粉微茫春雪在墮鬟浮動曉雲開  
好邀上維王常侍時就巖前飲一杯  
遊仙娥峰後戲題

為愛一峯形窈窕豈辭十里路崎嶇誰知不似陽臺女  
別後經宵夢也無

上寺留題

在商州北山上

松杉疎瘦簇山根樓殿參差對郭門不惜馬蹄來北寺  
為憐熊耳在西軒雲生石砌搖寒影泉汲銅甃露凍痕

遷客頻來何所得一叢修竹拂吟魂

對雪感懷呈翟使君馮中允同年

歲暮山城雪民和歲有秋深聞五誇詠聊減貳車愁凌

亂藏溪寺霏微灑即棲凍宜粘酒旆香好試茶甌遂吹

殊無定連宵勢未休仙娥低粉面仙峽峯在商州西熊耳壓峰

頭熊耳山亦在州之西樹老花重發川長縞不收平沉採芝洞深

鑲避賢部陽城驛在商山元稹詩中改為避賢部麋鹿全迷逕鷹鷂不下

韞夜村埋古屋夜村在州東一村數百家皆姓夜羅隱有夜村詩丹水咽寒流

上洛城中客梁園日下州前年直綸閣臘月奉宸遊六

出寒光亂重瞳喜氣浮催班臨秘殿稱賀拱凝旒漠

籠天杖輕：落御溝瑤池同皎潔殊箔助颺颺民有豐

年望君無肝食憂佩垂延喜玉服曜吉光裘雞樹令開

宴駕行許命傳千鍾方灑：三爵未油：舉白朱顏凝

飛文彩筆抽傳宣須盡醉御札遣冥搜晚出蒼龍闕驕

馳紫燕騶自慙生草澤人指在蓬立薄命誠非據清途

不久留左遷來僻却對景憶瀛州謫宦誰還往貧家自

獻酬敢言無俸祿且喜潤田疇鳳閣名雖黜貂冠命亦

優山中甘散秩膝下奉晨羞點：惟思過陶：亦自由

搖頭詠詩什合眼入衾裯祇恨方於柶何嘗曲似鉤詎

能悲鵬鳥早合畏犧牛玉冷期三藝蘭香任一籟夢中

非蛺蝶世上本蜂蟬禍福如亡馬機關喻狎鷗甘貧慕  
原憲齊物學莊周尚賴遷鶯侶旁依建隼侯願隨商洛  
叟擊壤頌皇猷

遊四皓廟

脩篁瑟瑟石磷磷去謁荒祠不厭頻四皓古來無事客  
貳車今世最閑人紫芝欲採非仙骨紅藥曾題是近臣  
一奠村醪還獨酌滿軒松雪照吟身

商山十二韻

六百里巉巖嵐光霽後添經年吟未得予到商山已經年方有此詩  
盡日看無厭僧舍青當檻人家翠滿簷氣蒸丹水碧丹水

在商山入漢脉潤紫芝甜嶺礙翻雲鶴商山鶴最高峰遮落海蟾

澗深春有凍影潤夏無炎勢闢蒿并華名欺霍與濤石  
危躡虎脚松老吃龍髯曉榻便欹枕晴樓懶下簾未能  
棲岫幌猶道佐形襜望久衣襟濕登多屐齒黏何當隨  
四皓深隱避猜嫌

丹水十二韻

琴瑟復潺湲宗朝中去不還和雲歸漢浦嘯雪下商山影

浸仙娥面波涵織女鬟仙娥峯織女飲猿清滿掬渡鹿

冷侵班北潤深通洛洛源在丹水之北東森檢叩關武灌園縈

似帶漕磴曲如環商山民引丹水灌園及作水磴夜枕驚幽夢秋汀照

病顏玉膏分地脉銀漢落人寰漱石藏青鯉崩沙聚白  
鷗村橋微雨後崖樹夕陽間翠漲新萍綠紅浮敗葉殷  
貳車時濯足來伴釣翁閑

歲暮感懷貽馮同年中允三首

謫官宦高於即閑門車馬稀塵侵書命筆香敗入朝衣燒  
盡峯巒出霜晴木葉飛夜來天欲雪寒夢不成歸  
歲暮客商山謫居多晝眠夢回紅藥樹身落紫微天不  
得親公事如何望俸錢荒城共誰語除却訪同年  
謫居京信斷歲暮更淒涼郡僻青山合官閑白日長燒  
煙侵寺舍林雪照街坊為有遷鶯侶詩情不敢忘

畬田詞有序

上雒郡南六百里屬邑有豐陽上津皆深山窮谷不通  
輟迹其民刀耕火種大抵先斫山田雖懸崖絕巔樹木  
盡仆俟其乾且燥乃行火焉火尚熾即以種播之然後  
釀黍稷烹雞豚先約曰某家某日有事於畬田雖數百  
里如期而集鋤斧隨焉至則行酒唱炙鼓譟而作蓋劇  
而掩其土也掩畢則生不復耘矣授耨者有勉勵督課  
之語若詩曲然且其俗更更互力田人自勉僕愛其有  
義作畬田詞五首以侑其氣亦欲採詩官聞之傳於執  
政者苟擇良二千石暨賢百里使化天下之民如斯民

之義庶予污萊盡闢矣其詞俚欲山旰之易曉也大家  
齊力斷孱顏耳聽田諺手莫閑各願種成千百索山田不知

賦畝但以百尺絕量之曰某家今年種得若干索豆箕禾穗滿青山

殺盡雞豚喚斷會由來通互作生涯莫言火種無多利

木樹明年似亂麻種穀之明年自然生禾山民獲濟利

鼓聲獵酒醺斫上高山入亂雲自種自收還自足

不知堯舜是吾君

北山種子種南山相助力耕豈有偏願得人間皆似我

也應四海少荒田

畬田鼓笛樂熙空有歌聲未有詞從此商於為故事

滿山皆唱舍人詩

雪後登靈果寺閣

雪引詩情不敢慵來登高閣犯晨鐘山僧莫恠多時望

玉立南高萬口峯

獨遊南靜川

高車嶺上無人見南靜川中信馬行多謝仙娥相管顧

遠擊松雪助詩情

賀畢翰林新入

聞步花靴喜復悲所悲君較十年逢銀臺曉入批丹詔

銅鏡秋開鑷白鬚宮錦細袍宣與看內閑驕馬賜來騎

家門記得咸通事莫忘論兵夜召時咸通中畢相在翰

林時懿宗將復河 渙夜召論邊事陳方畧甚稱旨上曰吾方

謀帥不意頗牧在吾禁苑遂有登壇之命 賀三舍人新入西掖呂祐之 錢若水 王旦

紫微新命舊交遊報到商於寂寞州天上共分三字貴

山中全減貳車愁拋離紅藥心無恨綽拂金貂舞不休

最喜吾宗有餘慶鳳毛還直鳳池頭第五聽王舍人故

兵部閣老之子 送舍弟赴舉因寄兩制諸人僚

堂上尊親鶴髮垂十年祿仕不相離何期膝下承顏日

却是山中謫宦時未有重茵如子路空披絲服學嬰兒

全家送爾隨鄉薦試向朝端獻此詩

高山海棠

錦里名雖盛高山艷更繁別疑天與態不稱土生根淺

看紅蘭染深於絳雪噴待開先釀酒怕落預呼魂香裡

無勅敵花中是至尊桂須辭月蜜桃合避仙源浮動冠

頻側霓裳袖忽翻望天臨水日窺客出墻垣贈別難饒

忘憂肯讓萱輕飛燕舞脉脉息媽言蕙陋虛侵 送梨

凡浪占園論心留蝶宿低面厭鶯喧不忝神仙品好事者作

花品以此 何辜造化思自期裁御苑誰使擲山村綺季

荒祠畔仙城古洞門煙愁思舊夢雨泣怨新婚畫 恐明

妃恨移同卓氏奔祇教三月見不得四時存繡被堆龍

勢燕脂浥淚痕貳車春未去應得伴芳樽

翰林畢學士寄示醫癭藥方因題四韻兼兩制諸

知

預憂囊癭病龍鍾乞得仙方必有功縱免項如擣里子

也應頭似夏黃公西暉亭下峰巒碧亭在州之西十里對群峯每日落時

有如南靜川中木葉紅川在州之南二三里平如掌居

亭午挑細竹夾水而生春間此景不忍矣畫是貳車堪醉處春來惟恐酒樽

空

內翰畢學士士安外制崇舍人成務故兵閣部老

王公祐之門生又與第五廳舍人旦同在兩制

追思餘慶因賦短章寄二三君子

掌貢司言耀聖朝宦途屯否教難逃雄文早貯胸中甲

直氣誰防笑裏刀黃閣不登名甚屈紫垣終老道彌高

君看身後榮多少兩制門生伴鳳毛

賀崇舍人新入西掖成務

早折蟾宮第一枝綸闈恩命苦何遲久為俗吏殊無味

合掌王言亦有時好繼忠州文最盛應嫌長慶格猶卑

舍人嘗與予評前賢詔語以為陸相首出他年莫忘中

若奉天罪已詔元白之徒可坐在廟下吳宰六里山前歌紫芝早歲予為長洲宰舍人以殿院知蘇州

歲除日同年馮中允攜觴見訪因而沉醉病酒三

六日醒而偶贈

除夜渾疑便白頭携壺相勸醅方休敢辭枕上三朝臥  
且免燈前一夕愁薄命我甘離鳳閣多才君亦滯龍樓  
相逢不盡杯中物何以支當寂寞州

得昭文李學士書報以二絕

未書云看書除在老  
外樂天詩最宜枕籍

謫居不敢詠江籬日永門閑何所為多謝昭文李學士  
勸教枕籍樂天詩

左宦寂寥惟上洛窮愁依約似長沙樂天詩什難堪讀  
柰有春深遷客家

南靜川野桃花下獨酌因簡同年馮中允

野桃無主滿山隈遷客携觴獨自來盡日馨香留我醉  
每春顏色為誰開枝穿綠竹渾疑畫片落丹河去不迴  
待約同年一攀折便如劉阮到天台

放言

誰信人間是與非進須行道退忘機卦逢大壯羝羊困  
鄉入無何蛺蝶飛澤畔衣裳蘭作佩山中生計竹為扉  
飢腸已共夷齊約一曲高歌去採薇

寄獻僕射相公二首

三朝文匠百僚師再秉洪鈞七政齊一道白麻來玉署  
兩條紅燭上沙堤故事宰相  
餘官一而已池波尚浴當時鳳省



樹猶存舊日雞籠冶止開無棄物應憐折劍在塵泥

聖君宵旰念生民重命甘盤秉國鈞引馬但傳三刻漏

近制午後三刻宰相去喘牛休問四時春羨和舊鼎黃金鉉雪塵

新堤白玉塵相公再入後京師委降時雨應念前年獻詩客謫官無

俸不勝貧却恐優游未終歲台星依舊照黃扉

迴襄陽周奉禮同年因題紙尾

武關西畔路晚巖兩月勞君寄兩絨鏡裏想添新白髮

篋中猶貯舊青山扶頭酒好無辭醉縮項魚多且放饒

譬似元和太平祝十年不改舊官衙

寄馮舍人起

轉輸爭合滯才華急詔重乘上漢槎舍人自西川轉運入閣下繼我

已吟紅藥樹勸君曾賦海棠花前年舍人赴西川轉運

杜工部因循不賦海棠詩詞隨健筆光綸誥詩落成都燦綺霞應笑

同時東觀客商於憔悴似長沙予與舍人早忝同年直史館

清明日獨酌

一郡官閑惟副使一年冷節是清明春來春去何時盡

閑恨閑愁觸處生紫燕黃鸝誇舌健柳花榆莢闌身輕

脫衣換得商山酒笑把離騷獨自傾

寒食

今年寒食在商山：裏風光亦可憐稚子就花拈蛺蝶

人家依樹繫鞦韆，却原曉綠初經雨。卷陌春陰乍禁煙，  
副使官閑莫惆悵。酒錢猶有撰碑錢。

春日登樓

紅桃飛盡綠楊深，獨倚危樓半日吟。六里山川多逐客

近代朝士左 遷多在此，即 貳車官職是籠禽。蓬雪殘，秋髮癸，隔

浮雲向日心。身世榮衰不能算，且傾村酒沃愁襟。

山僧雨中送牡丹

數枝香帶雨霏，雨裏携來叩竹扉。擬載却休成悵望

御園曾插滿頭歸。

春后雜興二首

兩株桃杏籬映斜，探點高山副使家。何事春風容不得，  
和鶯吹折數枝花。

春雲如歎復如禽，日照風吹淺又深。誰道無心便容與，  
亦同翻覆小人心。

登郡南樓望山感而有作

西接藍田東武關，有唐名郡數商顏。二十石盡非吾道

一百年来負此山。自唐末至今百餘年 重疊曉嵐新雨

後參差春雪夕陽間，唯供遷客風騷興。醉望吟者不暫

閑

讀史記列傳

西山薇蕨蜀山銅可見夷齊與節通  
佞倖聖賢俱餓死若無史筆等頭空

睡十二韻

此境一何醇熙、別得春有聲皆欲格無夢是天真  
壁  
上登山履床頭漉酒巾輕、龜喘息再、蝶精神滯寂  
通禪理無何尋道人曲肱高勝枕藉草軟於茵吟若魂  
初暝盃酣味更珍覺知生是幻靜與死為鄰酷恨巢簷  
燕生憎款戶賓功成歸展轉先兆自嘯坤不入榮名客  
還宜放逐臣東窻一文日且作自由身

送秦供奉自商州使鄂渚 供奉本江左人

攜家畫錦行山驛接江城使是皇華貴人還故國榮  
離筵青杏小別夜子規鳴鸚武洲邊宿無忘吊禰衡

聞進士孫何及第因寄

昨朝邸吏報商山聞道孫生得狀元為賀聖朝文物盛  
喜於初入紫微垣

哭同年羅著作 三首 名處約字思純

宿草離披淚滿衫孤墳遙想帝城南 思純權厝東京薰風門外天生

賈誼成何事祇得人間三十三

一枝丹桂謾成名一片緋衫未是榮  
賴有遺文在東觀

直應千載氣如生 著作歿後有文集十卷翰林蘇舍人表進詔付史館魏東觀集

荒涼故宅何人住寂寞孀妻即日還一歲嬰兒安健否  
巨源雖在謫深山

西暉亭

仙娥峯下大中中  
刺史崔黯所造

孤亭疊嶂東宛是古屏風每到天將暮渾疑日再中餘  
霞猶散綺新月已張弓一水漪連媚千年木葉紅  
丹水在亭前玳筵何烜赫火宅忽牢籠隙見歸巢燕簷拖截澗紅  
果迷丹橘熟洞訝赤城通南有仙似燒連松塢如班染  
竹叢近邀青瑣客來伴紫芝翁望久情無倦吟多興未  
窮陽鳥看黯黯歸馬恨忽忽會待長棲隱青冥逐去鴻

謫居

親老復嬰孩吾生自可哀無田得歸去有俸是嗟來直  
道雖已矣壯心猶在哉端居寡儔侶懷抱向誰開

道服

楮冠布褐皂紗巾曾忝西垣寓直人此際暫披因假日  
如今長著見閑身濯纓未識三湘水流酒空經六里春  
不為行看朝服香一車誰信舊詞臣

寄題洛南供奉新樓

多羨新樓上公餘寫望閑數望迷華岳一面是商山基  
暗幽雲過簷喧宿鳥還萬重蒼翠裡百尺沈寥間嵐破  
分樵迳沙明認釣灣望秦嶺晴轟清洛夜潺湲平遠

生秦崔名  
鳥在篇

江鄉歸氏藏本

長安道微茫函谷關吟哦生古意圖畫寄朝班何日隨  
高步乘秋豁病顏銷憂吾祖事會待共躋攀

獨酌自吟拙詩次吏報轉運使到郡戲而有作

日高睡足更何為數首新篇酒一卮  
郡吏謾勞相告報轉輸應不管吟詩

春遊南靜川

南過高車嶺一云膏車嶺音告川源似掌平  
峰巒開畫障畎畝列棋枰  
帝女柔桑綠王孫野草生  
提壺催我醉戴勝勸人耕  
商嶺堪攜杖丹河好濯纓  
蓋圓松影密鞭亂竹根  
犇勃畬田氣磷磷水磴聲  
野桃誰是主山鳥不知名

欲舞寧無蝶思訝亦有鶯  
官閑春日永擔酒此中行

王黃州小畜集卷之九

律詩

南郊大禮詩 十首

聖君重卜祀南郊仗擁黃麾間白旄僊次冷翻蒼玉佩  
曉霞晴透絳紗袍天開兜率齋宮靜海湧蓬萊帳殿高  
遷客生還知有望商山不敢讀離騷

百僚冠劍互珊珊文物威蕤屬禮官清涵宿齋宣祖廟  
有明行事昊天壇旌旗漠漠惟宮曉星斗依、綵內寒  
腸斷商於左遷客圓立無分得榮觀

嚴配郊丘長孝思質文恭酌禮無違大羹味薄牲牲潔

至樂聲和鳳鳥飛黃道月斜風細，紫壇天曉露霏，  
可憐此夜高山客畫盡爐灰淚滿衣

綵城殘月帶微霜版奏中嚴夜未央三獻欲終侵曙色  
百神齊下散天香珠旒微亂瑩瑩韻紫燎輕籠劍佩光  
此夕高山對何物猿啼鳥哭樹蒼

嚴裡禮退一陽生抃賀懽呼動四溟聖壽久長南至日  
寶圖高大北辰星九重城闕天將曙百萬人家家戶不扃  
知有化功無異物海波分納一浮萍

乾元門上赭袍光雉扇初開散御香郊祀一千年運祚  
赦書三萬里封疆人間草木霑皇澤天上咸韶送壽觴

惆悵昔年曾侍從而今翻似鼠拖腸

六街旌飾躡虹蜺仙仗參差羽衛齊千步廊前班振鷺

百尋竿上揭金雞狴牢冷落亭丹筆郡國懽呼拆紫泥

鳳閣舊臣期赦宥免教長似觸藩羝

千官雲擁御棲時朝服紛，換禮衣萬里梯航歸大國

一聲雷雨破圓扉青蠅傳去人，喜丹鳳却來處：飛

收盡洛南遷客淚全家潛望日邊歸

綵雲隨步下乾元雨露新恩洽普天四輔首迎丹鳳詔

六師齊散廩犧錢熙，品物騰充日習，薰風動舜絃

商洛貳車當此際舊朝衣上淚潺湲

年來不見祀園丘，謫宦攜親嘆白頭。  
作賦有時悲鵬鳥，殺身無路學犧牛。  
非才豈合居臺閣，歸夢徒勞近冕旒。  
千載遭逢如未替，此時重見帝王州。

太師中書令魏國公卅贈尚書令追封真定王趙

諱普挽詩十首

玄象中台折皇家，上相薨天功銘玉鉉。  
密事在金滕，無復同魚水。空嗟失股肱，若言豐沛舊陪葬。  
近長陵，經緯千年業。陶鎔萬物功，藩垣龍節在。  
禁掖鳳池空，鹵簿蒙寒雨。銘旌颺曉風，太常草儀注。  
全似葬周公，重位經三入。高年過七旬，有言皆為國。  
無日不憂民，溫

樹蕭、影甘棠、漠、春遙知神德廟，配饗更何人。

國喪三台首家歲，五廟尊紀功。誰秉筆冊贈帝，臨軒盛

德留千古貞魂，閉九原皇情彌軫悼。天柱折崑崙

麟喪虛靈，圖鳳衰空帝梧。陶鎔存庶彙，霖雨潤寰區。舊

疏同伊訓，遺章入禹謨。九原何所恨，猶未滅匈奴。

空留遺像在凌煙，誰繼堂、命世賢將相位高。三十載

風雲道合一千年，霖收傳說巖前雨。石隕媯皇補後天

見說吾君舉哀處，重腫揮灑淚潺湲。

君恩難聽罷居留，官祿維師命更優。異物忽隨黃石葬，  
晚年終負赤松遊。憑誰借筇論歸馬，無復停車問喘牛。



惟有功名書信史肯同塵土一時休  
曾拜四章辭相府又陳三表罷留司朝廷年德劉仁執  
終始功名郭子儀印鑠黃金塵暗淡堂閑綠野草離披  
吾君若念先朝舊應似文貞御製碑  
忍聽繁、定鼓聲笳蕭鳴咽暮雲凝熱勞自合同蕭相  
謚法還須比魏徵曉月暗垂丹旆露夜風輕觸總惟燈  
三川父老如何限盡逐靈輶淚滿膺  
元老令終歸葬日有司重奏報朝時駢羅鹵簿三公禮  
告赴上言同盟五月期何處更求廊廟器是誰重作帝王師  
商山副使偏垂淚未報當年國士知

和仲威詩六首 並用本韻

和與喻豐陽夜話仲威與喻令同江左人

澤國來朝積歲年商山相遇話鄉原却說重折月中桂  
仲威江南已及第入朝自左馮戶掾鑠廳又及第 陶令未歸江上村嵐氣滴空  
無限翠泉聲通夕有何冤寒燈挑盡芳樽竭所得新奇  
盡雅言

和迴喻令詩集喻令名蟾息之裔孫

風雅荒涼信可悲家聲留得畫玄微且欣丹穴一毛在  
莫道沅江九肋稀思若也知閔國政官早應為洩天機  
他時遷客歸朝去擬覓瓊瑤滿袖歸

和自詠

玉經炎火竹經霜却把剛腸變酒腸庾信悲哀休作賦  
接與歌曲且佯狂更諳喪亂災為福仲成幼經江左離亂蘊蓄才  
華有若止孤宦由來宜晚達祝君霄漢路岐長

和與盧氏宋少府話舊遊

舊遊前政一追尋仲成十五年前任盧氏尉宦路遷移敵古今黃綬  
位卑曾歎命青宮官冷不妨吟仲成今屬中允煙嵐不改當窻  
色桃李應垂滿砌陰好寄新詩題舊壁為言梅福珥朝  
簪

和題鳴馬廟

廟在豐陽古老傳云昔有人冠蓋乘馬隱於此在鄉人祠而祀之至今時

何人祠廟立空山四皓精靈合往還正馬不辭峰更險  
冥鴻應為世多難雲生碧殿縈鴟尾風觸金鋪動軟環  
欲識姓名無問處空聞靈異庇商顏

和送道服喻宰

朝客吟詩送羽衣應知彭澤久思歸三年官滿誰留得  
領鶴攜琴賦式微

寄海州副使田舍人

繫印籠瓜轉即蓬可憐踪跡與君同眼前有酒長須醉  
身外除詩盡是空閑採紫芝飢可療欲浮滄海道應窮  
聲名官職相磨折休憶西垣藥樹紅

恭聞种山人表謝急徵不違榮侍因成拙句仰紀

高風

未赴吾君鳳詔徵蒲輪何似板輿榮自期物外長無事  
誰覺人間已有名餌木肯嘗鐘鼎味紉蘭應笑佩環聲  
洛南遷客堪羞死猶望量移近帝城

再賦二章一以頌高人之風一以伸俗吏之意

表讓皇家買酒錢

上令京兆府賜山  
人酒錢讓而不受

醉鄉歸去更陶然

吾君若問徵君意自有東臯種黍田

不應明時鵠板書可能終老傲唐虞神仙見說須陰德  
肯為蒼生一出無

五更睡

數載直承明寵深還若驚起朝雞喚起殘夢馬馱行左  
宦離雙闕高眠盡五更如將閑比貴此味敵公卿

自詠

華髮不稱老高堂為有親寧同賈生恨自比老萊身官  
散且無過俸徵猶助貧誰能學屈蠖奉謁若求伸

遣興

百年身世片時間况是多愁鬢早斑貧有琴書聊自樂  
貴無功業未如閑波平南浦堪垂釣日滿東窓尚掩闌  
祇為慈親憶歸去商山不隱何山

夏雲

嶷峨高鑠夕陽紅斜入吟窓秀色濃六里青山長滿眼  
不勞雲片學奇峰

丹河閑步

誰愛潺湲到水濱春來唯有我來頻沙邊坐慣漁翁識  
岸上行多白鳥馴鬚髮照看添霰雪冠纓濯後少埃塵  
今秋更擬營簑笠冒雨衝風把釣輪

新秋即事

露莎煙竹冷淒淒秋吹無端入客衣鑑裏鬢毛衰颯盡  
日邊京國信音稀風蟬歷歷和枝響雨燕差差掠地飛

繁滯不如商嶺葉解隨流水向東歸

宦途流落似長沙賴有詩情遣歲華吟弄淺波臨釣渚  
醉披殘照入僧家石簇苦竹旁抽筍雨打戎葵卧放花  
安得君恩許歸去東陵閑種一園瓜  
百歲浮生一夢中夢中何事有窮通姓名舊署黃麻紙  
顏狀今成白髮翁煙暝小窓螢火碧雨昏幽徑蓼花紅  
謫居始信為儒苦生計兼無一畝宮

秋居幽興

秋光雖寂澹幽興入詩家籬暗蟹啼菊園荒蟻上茄園  
碁知日影理髮見霜華向曉兒童喜溪僧遺晚瓜

園林經積雨晚步思悠哉宿鳥頤相並秋瓜頂自開藥  
田荒野蔓辰菑沒蒼苔幽興將何遣焦琴賞酒杯  
謫居人事慵出興與誰同僧到烹秋菌光啼索草蟲掃  
苔留嫩綠寫葉惜殘紅歲晏琴樽好籬邊有菊叢

前賦春居雜興詩二首間半歲不復省視因長男  
嘉祐讀杜工部集見語意頗有相類者咨予予  
且意予竊之也予喜而作詩聊以自賀

命屈由來道日新詩家權柄敵陶鈞任無功業調金鼎  
且有篇章到古人本與樂天為後進予自謫居多  
看白公詩意敢期  
予美是前身從今莫厭閑官職主管風騷勝晏津

翟使君挽詞三首

丹旄換紅旌蕭蕭五馬鳴今朝為旅櫬昨日是專城愛  
子方之蜀時使君之子  
奉使入蜀遺書未到京貳車郊外送揮淚  
滿塵纓

國史書勲伐州民頌樂康豈惟存柏櫬亦合葬桐鄉黃  
壤千年恨青山六里長空餘鈴閣畔寂寞菊花香

未滿三年政何妨五月期理言歸塋速遺愛出山遲檣  
萋穿雲過銘旌着雨垂洛陽多故吏號泣住靈輜使君  
早年

知河南府

村行

馬穿山徑菊初黃信馬悠々野興長萬壑有聲含晚籟  
數峰無語立斜陽棠梨落葉燕脂色蕎麥花開白雪香  
何事吟餘忽惆悵村橋原樹似吾鄉

淳化二年八月晦日夜夢于上前賦詩既寤唯省

一一句云九日山州見菊花間一日有商於貳車

之命實以十月三日到郡重陽已過殘菊尚多

意夢已徵矣今忽然一歲又逼登高追續前詩

句因成四韵

節近登高忽歎嗟經年憔悴別京華貳車何處搔蓬髮  
九日山州見菊花夢裏榮衰安足道眼前盃酒且須賒

商于雖魯雖迢遞大抵攜家即是家

仲成就加郡印因以四韵賀而勉之

如何小郡滯清賢未得徵歸振鷺班莫怕三年持漢詔  
猶勝遷客卧商山俱諳宦路須推命同有詩情令好閑  
唯是謫官無考限比君知向幾時還

自嘲二韵

三月降霜花木死今年三月九日秋飛雪變禾災蟲蝗水

早霖霑雨盡逐商山副使來今秋洛南縣蝗又大水夏旱秋雨雪

雪霽霜晴獨尋山逕菊花猶盛感而賦詩

狼籍金錢撒野塘幾叢無力臥斜陽爭偷暖律輸堯李

獨亞寒枝負雪霜誰惜晚芳同我折自憐孤艷襲人香  
幽懷遠慕陶彭澤且擷殘英泛一觴

是夕商州九月十八日大雪  
防霜晴

寄豐陽喻長官

七十年華髮未霜道情偏稱宰豐陽早衙請印無仇覽  
豐陽戶不滿夜榻圍棋祇孟光  
喻宰好棋又與內子敵手庭戶萬重  
嵐氣潤盤餐數飮藥苗香猶言彭澤終歸去門柳青  
檻菊黃

官舍行

誰種蕭蕭數百竿伴吟偏稱作閑官不隨天艷爭春色  
獨守孤貞待歲寒聲拂琴床生雅趣影侵碁局助清權

明年縱便量移去猶得今冬雪裏看

雪後看竹

夢斷閑窻酒半醺月華薄雪紛莫言官散無拘束  
寒夜披衣見此君

喜雪貽仲咸

半冬無雪懶吟詩薄暮紛喜可知衣上惹來看不足  
竹邊聽處立多時光迷曙色侵窻早片舞寒恐到地遲  
今日使君吟望好一車飛絮醉褰帷

賦得臘雪連春雪

商州教  
年無雪

臘雪連春雪商民舞且歌數年求不得一尺未為多試

法烹茶鼎資吟落釣蓑登樓應更好丹水是銀河

立春日細雨

澹于寒霧亂于絲無點無聲落不知輕助雪痕歸麥壠  
暗隨春氣入梅枝踏苔立久微霑履逸竹吟餘漸着髭  
翻憶滿身珠灑竅江頭閑把釣蓑披

霽後望山中春雪

誰種離三碎玉苗曉樓吟望興偏饒白雲作伴宜長在  
紅日無情已半銷聚映早霞明野寺散隨春水過溪橋  
世間安得玉摩詰醉展霜縑把筆描

閑居

何必問生涯幽閑度歲華有琴方是樂無竹不成家吟  
裏銷春色眠中見曙霞今年如未去更擬種胡麻

有懷戚二仲言同年

聞說去官常悽三返故鄉與君同甲子似我有文章憔悴  
衣衫綠蹉跎鬢髮蒼此身知幸處曾得紫微郎

春郊寓目

百舌嬌慵未苦啼雪隨春水下松溪何人樵樹和雲斫  
幾處山田帶雨犁蜀柳半開鸚鵡眼海棠深結麝香臍  
東風似待閑人出一路青莎襯馬蹄

杏花七首



紅芳紫萼怯春寒  
蓓蕾粘枝密作團  
記得觀燈鳳樓上  
百條銀燭淚闌干

暖映垂楊曲檻邊  
一堆紅雪罩輕煙  
春來自得風流伴  
榆挾休拋買笑錢

挑紅李白莫爭春  
素態妖枝兩未勻  
日暮墻頭試迴看  
不施朱粉似東隣

長隨風雨暗離披  
醉逸吟看得幾時  
唯有流鶯偏稱意  
夜來偷宿最繁枝

登龍曾入少年場  
錫宴瓊杯醉御觴  
爭戴滿頭紅爛熳  
至今猶襍桂枝香

長安癡弃遷都後  
曲沼荒涼一夢中  
見說舊園為茂草  
寂寥无復萬株紅

陌上繽紛枝上稀  
多情猶解撲人衣  
雙成灑道迎王母  
十里濛濛絳雪飛

寄陝府通判孫狀元何兼簡令弟秀才 僅

商山留滯再經年  
咫尺無由見狀元  
會赦未教歸北闕  
高歌應合遇東園  
寸心謾道如弦直  
兩鬢難禁似雪繁  
兄弟相知情未改  
著書呼取屈原魂

東園公

日長簡仲咸

日長何計到黃昏  
郡僻官閑晝掩門  
子美集開詩世界

伯陽書見道根源風飄北院花  
千片月上東樓酒一尊  
不是同年来主郡此心牢落共誰論

春郊獨步

襟袖飄飄晚吹輕孤吟何必共人行  
綠楊繫馬尋芳逕  
春艸隨人上古城不憤黃鸝誇巧舌  
多慚戴勝勸耕歸  
憑高朗咏沉湘賦自許吾生似賈生

種菜于雨下

菜助三餐急園愁五月枯廢畦添糞壤  
胼手採荒蕪前  
日種子下今朝雨點麗吟詩淺自慰天似憫窮途

偶置小園因題二首

千畝春畦两眼泉置來應得弄潺湲  
三年此園典數月朝行賃宅錢其價直如此空愧先師輕學圃  
未如平子便歸田此身久蓄耕山計不敢拋官為左遷  
偶營菜圃為盤飧淮瀆祠前水北村泉響靜連衙鼓響  
柴門深近子城門濛濛細雨春蔬甲  
壘壘寒流老樹根  
從此商於地圖上画工添箇舍人園

戲從豐陽喻長官覓筍

春來春筍滿豐陽祇把盤飧勸孟光  
長官祇有犀角錦  
文雖可惜也須分惠紫微郎

三月二十七日偶作簡仲咸

一未量移一轉勳時救後予未量移仲咸祇加騎都尉貂冠羊胃總非真

予檢校常侍故云貂冠貂光祇有兩三日浮世稀逢七

十人青杏勸君重酌酒牡丹邀我且尋春仲咸半月來病肺不飲因

觀青杏又復淺酌請看富貴趙中令已作北邙山下塵

### 送巡撫侍讀呂司諫

三十軍城百萬家侍臣分命走軺車長春殿裏承丹詔

乙夜書邊別翠華駐馬祇教看壠麥憂民無暇醉溪花

歸朝舊友如相問為道山中學種畬

### 別商山已下量移解州作

欲辭蒼翠入塵囂把酒看山思寂寥莫勒移文苦相責

### 解梁聞說近中條

#### 別丹水

曾經爛漫濯吾纓忍別潺湲月夜聲便入紅塵染詩思

吟魂猶合數年清

#### 別四皓廟

明朝欲別採芝翁吟遠堦前苦竹叢貶謫入山非美退

此中爭敢逐冥鴻

#### 別仙娥峯

商山苗滯再經春吟愛仙娥最出羣若有精靈念遷客

暫來河北作行雲

別北窻竹

滿窻疎韻伴吟聲  
別後猶憐枕簟清  
見說解梁難種植  
此君相別若為情

別堂後海棠

一堆紅雪媚青春  
惜別須教淚滿中  
好在明年莫憔悴  
校書兼是愛花人  
此堂予去後是推官王校書移入

量移後自嘲

可憐蹤跡轉如蓬  
隨例量移近陝東  
便似人家養鸚鵡  
舊籠騰倒入新籠

量移自解

商山五百五十日  
若比昔賢非帶苗  
試看江陵元相國  
四年移得向通州  
元稹自江陵士曹四年移通州司馬

留別仲咸 二首

二年商嶺賴知音  
惜別難藏淚滿襟  
頭白忽拋攀桂客  
道消休話拔茅心  
科名偶得同年分  
交契都因謫宦深  
唱和詩章收拾取  
兩家由與子孫吟  
忽  
世網嬰纏不自由  
可憐飽繫又萍流  
總從清洛南邊郡  
移向黃河北岍州  
命薄我甘閑副使  
道孤君是假諸侯  
解梁去此無多地  
時寄新詩慰客愁

出商州有感

園丘恩例得量移笑領全家出翠微惟有來時的驢馬

商山埋骨不同歸初到商山馬斃

闕鄉縣面題陶氏林亭

年來恩例得量移祇合高歌不合悲消盡盈虛存大易

東西南北有先師未拋軒冕終妨道偶見林泉且賦詩

何事闕鄉住三日吟情難捨竹邊池

寄潘處士

賣藥先生白布衣書來方信在京師減君爐裏燒丹術

助我山中賣酒資

處士自京寄白金相贈

閑似野雲終不仕閑如

籠鶴已多時飄飄又去黃河北更負中條幾首詩

將及陝郊先寄孫狀元

宦途飄蕩似浮萍又到棠陰邵伯城親老轉添衰髮白

妻兒猶免智囊生狀元館穀如無倦副使量移豈繫程

吾道不拘官冷暖惟君應合出郊迎

甘棠即事簡孫何

玉棠風雅美賢臣伐樹悽悽亦聖人因感得時留蔽芾

更嗟無位泣麒麟誰知素教長多難我向清朝自不辰

聽訟何如便無訟與君憂道合霑巾

解梁官舍

郡在中條山脚下監南風起晝昏昏舍人謫宦雖言命

副使量移豈是恩月有俸錢堆長物日無公事掩閑門  
上天于我心還厚祇遣文章道更尊

中條山 二十韵有序

薛許昌賦中條山十四韵且自云兩京之間巨題不媿  
不負至今百年人亦無敢繼者禹偁量移解梁日與山  
接苟默而無述後之覽吾集者謂宋無人因賦二十韵  
而起河盡海之意不能不相涉也蓋狀山之形張詩之  
氣使然尔又五老峰者茲山之特秀避而不言猶人無  
眉目矣過是皆許昌之所未道者以此易彼可庶幾並  
行

崛起巨河邊犇騰欲上天遠臨滄海盡高與大行連大  
塊橫為脊它山立似拳土膏經舜來石險任秦鞭洞黑  
狂吹雨峰青冷罩煙店荒壇道絕寺古柏梯懸掩漏微  
茫雪巖垂浙瀝泉迸根通砥柱斜逕入閑田北笑恒藏  
寶西輕華聳蓮三門遙託跡五老迥差肩落實樵夫拾  
靈苗本艸傳柱空擎雁塔倒影蓋漁船繪画終無手封  
崇必有年監池浮翠藹董澤媚漪連陰壑乖龍蟄枯杉  
凍虺穿圖經標數郡神異產群賢呼壽嵩何詭升中岱  
豈專斯文如已矣此地可終焉暫看猶銷病頻登合得  
仙許昌休自負吾什亦銘鐫

五老峰 十六韻

轟轟拂星榆崢嶸與衆殊精靈犇昂宿神異載河圖捧  
日光先及恭天禮不趨綠蘿供組綬清籟獻笙竽洩雨  
遙霑華堆嵐下照蒲僧窓分未足郡閣占應俱漠漠雲  
交袂霏雪映鬚巨靈羞用壯玉女願為奴玉女岩在中條磊  
落工難盡參差德不孤兒孫溪石小几杖澗松枯洞鄙  
三茅隱山嫌四皓逋分形皆自立倒影要誰扶將數慚  
同漢臣名合贊虞嵩峰真樹黨天柱太無徒安得誰人  
意移特近帝都吾君南面處萬歲一齊呼

書孫僅甘棠集後

新築甘棠盡雅言獨疑陳杜指根源一飛事往名雖屈  
六義功成道更尊骨氣向人蹲獬豸波濤無敵瀉崑崙  
明年再就堯堦試應被人呼小狀元

櫻桃 十六韻

風寶落嶙峋蟠根出俗塵子多將盡夏花曉不爭春上  
苑空枝後荒巖滿樹新鳥含紅映嘴猿飽滑流脣清溪寺  
初供佛山齋已待賓并筵奈奈入市附樵薪葉襯青  
舒榭籠擎綠透筠瀉盤能宛轉就酒益甘辛致養伴懷  
橘投誠芋獻芹齒酸雖欲罷喉渴尚宜頻溉水應無主  
駘禽免瘵人栽培傷物性髮接失天真自笑羹梅亦誰

知社粟神用堪登俎豆生合委荆榛差小同謙退饒仙  
似屈伸叔孫如荐菹朴野味稱純

贈朗上人

朗公少游渚官與齊已相識

淨剃霜髭展舊真自疑容貌是前身僧中獨守三千戒  
詩裏閑銷七十春僻寺蘚深人少到古山雲好夢歸頻  
禪齋近日誰還往祇有西垣放逐臣



